

**INATSIARTUT
OMBUDSMANDIATA
UKIUMOORTUMIK
NALUNAARUTAA
2002**

5. Akissarsianik utertitseqqusineq. Suliamik suliarinninnermut piunasaqaatit. Ingerlatsinermi ileqqorissaarneq.

A, ingerlatsivimmi pisortaq utoqqalinini pissutigalugu soraarninngorsimasoq, sulinerunermut aningaasarsiami tigusimasami utertillugit akilerneqarnissaat K Kommunip piunasaqaatigisimammagu naammagittaalliorpoq.

Ombudsmandip kommuni suliami amigartumik paasisutissartalersuisimammatt, suliami illua tungiusup isumaanik tusarniaasimannngimmat kiisalu naammaginangitsumik paatsoortisisinnaasumillu tunngavilersuisimammatt isornartorsiorpaa.

Ombudsmandip tamatumunnga atatillugu ilaatigut oqaatigaa utertitsilluni akiliinissamik apeqqut pillugu kukkunerisuiisut naliinerat misileqqaarnagu kommunip tunngaviutissinnaasimangikkaa.

Ombudsmandip aamma oqaatigaa akissarsiat ilaannik utertitsilluni akileeqqusinissamik aalajangiinerit ingerlatsinermik inatsiseqartitsinermi malittarisassat tunngavigalugit aalajangiinerusut.

Suliaq kommunip suliareqqissagaa Ombudsmandip inassuteqaatigaa.

Kommunip suliamik suliarinninneranut atatillugu Ombudsmandip aamma oqaatigaa ingerlatsinermi ileqqorissaarneq kommunip annertuumik sumiginnarsimagaa, Ombudsmandillu kommuni

qinnuigaa tamanna qanoq iliuuseqarnissamut pissutissaqalersit-sinersoq nalunaarutigeqqullugu. (J. nr. 11.10.21.01/095-01)

Sulinerusimanermut aningaasarsiat utertinneqarnissaannik suliamik kommunip suliarinninnera pillugu A-p naammagittaalliutaa 5. oktober 2001-imi tiguara.

A allakkatigut 6. juni 1991-imeersutigut aningaasaqarnermi pisortatut 1. juli 1991-imit atorfinitsinneqarpoq.

Aningaasaqarnermut ataatsimiititaliap aalajangiinerani 29. april 1991-imeersumi atorfinitsitsineri atugassarititaasut pillugit imaattunik allasimasoqarpoq

:

”Pisortap tullia A aningaasaqarnermi pisortatut, aningaasaqarnermik ingerlatsiviup taassumalu ilusilersuineri nutaami immikkoortortalersugaanerani ersertutut immikkoortortaqarfiinut pisortatut atorfimmut nuutsinneqarpoq.

A-p ingerlatsiviup iluinnaani atugassatut allakkiaa 28. april 91-imeersoq ataatsimiinnermi misissorneqartoq tunngavigalugu aningaasaqarnermut ataatsimiititaliap makku akuerai:

- suliap piareersarneqarnera pillugu pisortap tullia kommunaldirektørillu erseqqinnerusumik isumaqatigiissutaat malillugu aningaasaqarnermut pisortatut atorfik suliaq aaqiissunneqarnerani allatseqarnikkut ikiortilerneqassasoq,
- najugaanit kommunip allaffianut qarasaasiakkut attaviliisoqassasoq,
- tamanna tunngavigalugu kaajallaasitaq 14. juni 72-imeersoq malillugu kvartalikaartumik naatsorsuutitalinnik oqaluussinermut 1.000 kr.-nut killilerneqarsimasut iluanni oqarasuaatip atornerarneranut akiliussisoqartassasoq,
- kommunaldirektørimut taartaarneq tamatumunngalu atatillugu immikkut tapit atortiinnarneqassasut, aamma
- sulineruneg aamma sapaatini sapaassuarnilu kiisalu ulluni sulinngiffiusuni allani sulineq akissarsianik tunniussisoqarneri tamaasa kinguortoqumik aningaasarsisutigitinneqartassasut, piffissami katersiviusumi siullermi qaammatip ulluisa 21-annit qaammatip tulliusup ulluisa 20-annut ingerlasimasumi naatsorsuusiata tunngavigalugit.” (Atorfeqarfimmi nutsigaavoq.)

Atorfik taanna Naalakkersuisut aamma Nunatsinni Atorfillit Kattuffissuata isumaqatigiissutaatigut 26. maj 1999-imeersukkut akissaateqarnikkut kingullermik aalajangersaavigineqarsimavoq, 1. januar 1998 aallarnerfigalugu atuutilersumik. Isumatigiissutip taassuma Nal. C-I 2-1-346-mi tamanut saqqummiunneqarsimasup Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 5-imi 14. maj 1990-imeersumi § 49, imm. 1 inatsisitigut tunngavigaa.

Isumaqatigiissummit erserpoq aningaasaqarnermut pisortatut atorfik akissaasersuineri lønramme 35-mut inissinneqarsimasoq, 1. april 1991-ilu aallarnerfigalugu tapeqartinneqarluni, 34.420 kr.-nik tunngaviumik aningaasartalinneq. Isumaqatigiissummit aamma erserpoq tapit tunniunneqartatut taakku ”sulinerunermut ullunullu sulinngiffiusunut annaasanut tamanut suugaluannulluunniit” matussutissaasut.

Isumaqatigiissummi tamakku saniatigut kommunaldirektørit pillugit § 2, imm. 2-mit erserpoq:

”Sulinerunermut aningaasarsianik tunniussisarneq pillugu aalajangersakkat aamma ullunut sulinnigffiusunut annaasanut aningaasarsianik tunniussisarneq pillugu aalajangersakkat kommunaldirektørinut atuutinngillat.” (Atorfeqarfimmi nutsigaavoq.)

Tamatuma saniatigut suliame A-mut tunngasumi kommunaldirektør X-ip kommunip akissarsialeriffianut peqqusissutaa 4. februar 1998-imeersoq imaattoq ilaavoq:

”Aningaasaqarnermut pisortap A-p suliartoqquneqaratarsinnaanermut pisussaaffiata saniatigut sulinerunerata qaammammit qaammammut suliartoqquneqaratarsinnaanermut pisussaaffianik ilanngaallugu naatsorsorneqartarnissaa akuerineqarsinnaavoq.” (Atorfeqarfimmi nutsigaavoq.)

Kommunip paasissutissiissutai A-p assortorsimanngisai malillugit A 1999-imi 12. julimit 11. augustimut kommunaldirektøriugallarsimavoq. Suliame A-mut tunngasumi taamatut kommunaldirektøriugallarnernanut uppernarsaammik nassaassaqaanngilaq, taamatuttaarlu piffissaq taanna eqqarsaatigalugu akissarsiat tunniunneqarnerannut nassuiaammik peqarnani.

Taamaattorli 1999-imi 21. junimit 20. julimut aamma 1999-imi 21. julimit 20. augustimut sulinerusimaneq pillugu immersugassat assigiissaartunik oqaasertalersukkat marluk suliame allagaatinut ilaapput.

1999-imi 21. junimit 20. julimut immersugassaq uppernarsarlugu atsiorneqarsimanngilaq, aningaasalluunniit tunniunneqartussanngorlugit innersuunneqarsimanatik.

1999-imi 21. julimit 20. augustimut immersugassaq uppernarsarlugu aningaasalluunniit tunniunneqartussatut innersuunneqarsimapput ”X”.

Immersugassani taakkunani ilaatigut sulinerunerit makku naatsorsorneqarsimapput:

”14. juli 1999, nal. 0800-1500, 7
15. juli 1999, nal. 0800-1700, 9
17. juli 1999, nal. 1830-2030, 2
18. juli 1999, nal. 1830-2030, 2
24. juli 1999, nal. 1900-2000, 1
26. juli 1999, nal. 0800-1200, 4
27. juli 1999, nal. 1400-1700, 3
28. juli 1999, nal. 1830-2030, 2
29. juli 1999, nal. 1700-2030, 3,5
3. august 1999, nal. 0800-1200, 4
4. august 1999, nal. 0800-1500, 7
10. august 1999, nal. 0900-1400, 5
11. august 1999, nal. 1300-1500, 2”
(Atorfeqarfimmi nutsigaavoq.)

A aamma 27. oktober 1999-imit 28. februar 2000-imut kommunaldirektøriugallarsimavoq. Taamatut kommunaldirektøriugallarneq suliami sulisumut tassunga tunngasumi uppersarsarneqarsimavoq.

Piffissami tassani akissarsiat allagartaat sulinerunermut tunniunneqartunik makkuninnga imaqartut ilaapput:

21. december 1999-imit 20. januar 2000-imut sulineruneq, nalunaaquttap akunnerinut 65-inut naatsorsorlugu nalunaaquttap akunneranut 189,78 akigitillugu akissarsiat akileraarutit ilanngaatilugit 31. januar 2000-imi tunniunneqarsimasut.

Sulineruneq, piffissaq suunersoq taanagu, nalunaaquttap akunnerinut 86-inut naatsorsorlugu nalunaaquttap akunneranut 189,78 akigitillugu akissarsiat akileraarutit ilanngaatilugit 29. februar 2000-imi tunniunneqarsimasut.

2000-imi 21. februarimit 30. martsimut sulineruneq, nalunaaquttap akunnerinut 87-inut naatsorsorlugu nalunaaquttap akunneranut 189,78 akigitillugu akissarsiat akileraarutit ilanngaatilugit 30. marts 2000-imi tunniunneqarsimasut.

Sulinerunermi akissarsiat 29. februar 2000-imi tunniunneqartut sulineruneq pillugu immersugassakkut "Y"-p uppersaalluni atsiornertigut uppersarsarneqarsimapput innersuunneqarsimallutillu. Tamatuma saniatigut kommunaldirektøriugallarnerup nalaani sulinerunernut akissarsiat allat tunniunneqarnissaat kia akuerisimaneraa suliami uppersaasersuisoqarsimannngilaq.

A allakkatigut 16. december 1999-imeersutigut utoqqalinini pissutigalugu 2000-imi oktoberip naanerani soraarnissaminik qinnuteqarpoq.

Qinnuteqaat kommunip allakkatigut 13. marts 2000-imeersutigut akueraa.

Tulliulluni ilaavoq kommunaldirektørip aningaasaqanermut ataatsimiititaliamut allakkiaa 28. oktober 2000-imeersoq, tassani kommunaldirektørip KANUKOKA-mik 27. oktober 2000-imi ataatsimeeqateqarsimanini nassuiarpaa.

Nassuiaatip taassuma ilaanik issuaanissara toqqarsimavara, tassami nassuiaat taanna suliami pisut pillugit kommunaldirektørip naliliineranik imaqarmat. Tamatumunnga atatillugu oqaatigaara kommunip uannut akissummini 13. januar 2002-imeersumi allakkiaq taanna "isertuussassaq"-mik taasimagaa maluginiariga. Suliami allagaatinik kommunip nammineq isertuussassatut tassungaluunniit assingusumik isiginninnera suliami allagaatit tamanut saqqummiunneqarsinnaanerannut pingaaruteqannngilaq. Suliami allagaatit taamaattut issuaavigisariaqarnerlugit uanga isummerfigisassaraara, allagaatit paasitinneqarsinnaatanerme pineqartunut ilaatinneqarsinnaanerannik naliliineq aallaavigalugu, imaluunniit suliap qanoq ingerlasimaneranik paasissutissartalersuininnut pingaaruteqarneranik naliliineq aallaavigalugu.

Allakkiamit makku erserput:

”...

Pisortaausut atorfilittat (Ingerlatsiviit pisortaat)

Atorfininninni paasivara ingerlatsivinni pisortat suliffigisimasaminnik allattuivii uannut tunniunneqartartut, ilaatigullu taakkunani immikkut aningaasarsiat (piffisani equngasuni sulinermi aningaasarsiat), qaangiuttoornersiat assigisaallu tunniunneqartussat allanneqartarsimallutik.

Ingerlatsivinni pisortat immikkut aningaasarsiaqarsinnaatitaanngimmata, qaangiuttoornersiaqarsinnaatitaanngimmata il.il. suliartoqquneqaratarsinnaanermullu tapisiaqarmata taakku tunniunneqartussat innersuuttarsimanngilakka, oqarfigisimallugillu suliaq taanna KANUKOKA-mut oqaloqatiginnissutiginiariga.

Qulaani taaneqartumut atatillugu kommunip aningaasaqarnermut siusinnerusukut pisortarisimasaa aperaara ingerlatsivinni pisortat akissarsiaat kukkunersiuusunit kukkunersiorneqarsimanersut.

A uannut oqarpoq taamaaliortoqarsimasoq.

Suliffeqarfinni namminersortuni pisortallu suliffeqarfiini pisortaatitaasut akissarsiasaa kukkunersiorneqartarnerat ileqquvoq.

Tamatuma kingorna kukkunersiuisoqarfik attaveqarfigaara apeqqutigalugulu kommunaldirektørip kiisalu ingerlatsivinni pisortat akissarsiaat tunniunneqartut, angalanernut naatsorsuusiat il.il. kukkunersiorsimaneeraat.

Kukkunersiuusut pisortaat R oqarpoq taamaaliortoqarsimanngitsoq, tamannalu K Kommunip naatsorsuutaanik kommunit kukkunersiuusuisa pingaarnerusutigut kukkunersiuisarnissaannik nammineq A-llu isumaqatigiissuteqarsimanerminnik pissuteqartoq.

Tigulaaralunga misissuininni eqqunngitsoqartoq paasigakku ingerlatsivinni pisortat akissarsiaat pillugit suliat kukkunersiuisoqarfimmu nassiuppakka, qinnuigalugillu periaaseq atuuttoq naapertorlugu taakku kukkunersioqqullugit.

Kukkunersiuisoqarfik isumaqatigiissuteqarfigaara suliasat taaneqartut kukkunersuinnermut aningaasartuutissatut missingersuutini immikkoortinneqarsimasut saniatigut kommunimut aningaasartuutaanerussanngitsut. ...

Periaaseq taaneqartoq KANUKOKA-p isumaqatigaa, taamatuttaarlu qaangiuttoornersiat, immikkut aningaasarsiat il.il. ingerlatsivinni pisortanut tunniunneqarsinnaannginnerat uppersarsarlugu.

Kukkunersiuineq naammasseriarpap suliaq aningaasaqarnermut ataatsimiititaliamut/kommunalbestyrelsimut saqqummiunneqassaaq.

...” (Atorfeqarfimmi nutsigaavoq.)

Kommunip uannut akissummini 13. januar 2002-meersumi oqaatigaa allakkiaq taanna aningaasaqarnermut atatatsimiititaliamut 7. november 2000-imi saqqummiunneqarsimasoq.

Kommunip A-mut allakkamini 7. april 2001-imeersuni matuma ataani issuaavigisanni, kommunillu utertitsilluni akiliisoqarnissaanik piumasaaqateqarfigisaani Kommuninik Kukkunersiuusut nalunaarutaat nr. ..., 5. januar 2001-imeersooq innersuussutigaa. Nalunaarut taanna Kommuninik Nakkutilliisoqarfimmit pissarsiarimavara, nalunaarummillu tassanga makku erserput:

”2.6. Akissarsiat aningaasarsiallu

Suliassaqarfinni ukunani suleriaatsit naliliivigisimavagut, akissarsiallu pillugit suliat arlallit kukkunersiorsimallugit:

...

·Ingerlatsivinni pisortat

...

...

Inerniliineq

Misissuineq pillugu oqaaseqaatit eqqarsaatigalugit immikkoortoq oqaaseqaatinik imaqartoq innersuussutigineqarpoq.

...

3.6. Akissarsiat aningaasarsiallu

...

Suliaq nr. ...

Atorfik akissaateqarfimmi lønramme 35-mi skalatrin 48-mut inissitaavoq. Tamatumani saniatigut immikkut tapeqartitsisoqarpoq, taakkulu tassaapput suliartoqquneqaratarsinnaanermut tapit, sulinerunermut tamanut kiisalu ullunut sulinngiffeqarfiusunut annaasanut aningaasarsianut matusissutissaallutik.

Aammattaq kommunaldirektørimut taartaasarnermut pisortap tulliatut tapiliisoqartarpoq.

Suliap misissorneqarnerani paasineqarpoq qaammammut nalunaaquttap akunneri qulit sinnerneqarsimatillugit sulinerunermut akissarsiat tunniunneqartarsimasut. Ukiup ingerlanerani ingerlaavartumik taamatut tunniussisoqartarsimavoq. Aningaasarsiatut tunniunneqartut ilaat piffissani pineqartup kommunaldirektøriugallarfiisa nalaanni tunniunneqartarsimapput.

Aammattaq unnuarsiornermi aningaasarsiat kiisalu arfininngornermi/sapaami sulinerunermut tapisiat tunniunneqartarsimapput.

...

Suliat nr. ... aamma ... eqqarsaatigalugit isumaqarpugut KANUKOKA-p allagaasa 27. juli 1998-imeersut kommunini pisortat akissarsiaat pillugit suliniutit piviusunngortinneqarnerannik nalunaarutaasut kiisalu isumaqatigiissutip NAL 2-1-346-mi naqinneqarsimasup akornanni aporaanneqartoq.

KANUKOKA-p allagaani oqaatigineqarpoq sulinerunermut aningaasarsianik tunniussisoqarsinnaasoq, sulinerunerit katinnerisa sulineruneq immikkut tapitigut matussuserneqartoq annertuumik sinnersimappassuk, tak. tjenestemandinut piffissaq suliffiusartoq sulinerunerlu pillugit isumaqatigiissummi § 22. Taamatut oqaasertaliineq kommunini tjenestemandit atorfiisa aalajangersimasut inissitsiterneqarnerat pillugu isumaqatigiissummi atorneqanngilaq, tak. Nal 2-1-346.

Taamaattoarli isumaqatigaarput sulineruneq aningaasarsissutigitinneqassappat tjenestemandinut piffissaq suliffiusartoq sulinerunerlu pillugit isumaqatigiissummi § 22-mi malittarisassat malinneqassasut. Taamaattumik aningaasarsisitsineq qaangiuttoornermik qaammammoortumik ingerlaavartumillu tunniussisarnikkut pisinnaanngilaq, kvartalikkaartumillu ataasiaannartumik aningaasarsiatut kingumoortumik aalajangersarneqartassalluni.” (Atorfeqarfimmi nutsigaavoq.)

KANUKOKA-p allagaasa kukkunersiuisoqarfiup innersuussutigisaasa assilineri suliamut A-mut tunngasumut ikineqarsimapput.

Piffissaq suliffiusartoq pillugu isumaqatigiissut pineqartoq Nal. C-I 8-1-70-imi tamanut saqqummiunneqarsimasoq tassaavoq Kalaallit Nunaanni Namminersorerullutik Oqartussani kommuninilu tjenestemandit pillugit Inatsisartut inatsisaanni nr. 5-imi 14. maj 1990-imeersumi § 49, imm. 1

tunngavigalugu Kalaallit Nunaanni Namminersornerullutik Oqartussani kommuninilu tjenestemandit sulinerunerat kiisalu ullunut sulinngiffiusus-sanut annaasanut aningaasarsiaqartitaanerat pillugu Naalakkersuisut aamma Nunatsinni Atorfillit Kattuffissuata NAK-ip isumaqatigiissutaat 27. maj 1993-imeersoq.

Isumaqatigiissut taanna aalajangersakkanik pineqartumut tunngasunik makkuninnga imaqarpoq:

”§ 22. Tjenestemandit pisortat atorfippiaanniittut il.il.

Tjenestemandit pisortat atorfippiaanniittut atorfi atorfiillu taakkununga assingusut § 20, imm. 5-imi taaneqartutut isumaqatigiissuteqarfigineqarsimanngitsut eqqarsaatigalugit sulinerunermut aningaasarsisitsinissamik apeqqutit piffissaq suliffiusartoq pillugu ataatsimiititaliap pingajussaannik isumaliutissiissutaani (nr. 572-imi) 11. maj 1965-imeersumi quppernermi 29-mi isummat oqaatigineqartut aallaavigalugit aalajangiivigineqartassapput. Tamatumunnga atatillugu tunngavigineqarpoq tjenestemandinut taakkununga sulinerunermut taamaallaat aningaasarsisitsisoqarsinnaasoq sulineruneq pineqartoq ima annertutigisimappat tjenestemandip pineqartup piffissami sivilunerusumi sulinerusimanerata tamarmiusup tjenestemandit nalinginnaasumik pisussaaffittut sulinerusarnerat annertuumik sinnersimappagu.

Imm. 2. Tjenestemandit qaangiuttoornernut il.il. immikkut tapeqartinneqartut, matumani suliartoqquneqaratarsinnaanermut tapit ilanngullugit eqqarsaatigalugit, aatsaat aningaasarsisitsisoqarsinnaavoq sulinerunerup tamarmiusup sulineruneq immikkut tapitigut matuneqartutut isigineqartoq annertuumik sinnersimappagu.

Imm. 3. Tjenestemandit nalinginnaasumik sulineri nakkutigineqarsinnaanngitsut, kiisalu tjenestemandit sulinerminni allat sulinerinik aqqissuussisuusut sulinerulluunniit ingerlanneqarnerannik nakkutilliisuusut, tamannalu aqutigalugu piffissap suliffiusartup sivilussusianut eqqortumillu atorneqarneranut sunniuteqartut eqqarsaatigalugit aatsaat sulinerunermut aningaasarsisitsisoqarsinnaavoq sulineruneq tamanna ima annertutigisimappat tjenestemandip pineqartup piffissami sivilunerusumi sulinerusimanerata tamarmiusup tjenestemandit nalinginnaasumik pisussaaffittut sulinerusarnerat annertuumik sinnersimappagu.

Imm. 4. Aningaasarsisitsisoqarsinnaassappat tjenestemandi qullersarisaminut sulineruneq taassumalu annertussusia pillugu ukiumut ataasiarluni nalunaaruteqartassaaq.

Imm. 5. Sulinngiffeqartitsisoqarsinnaanngippat sulineruneq aningaasarsisitsissutigineqassaaq, taakkulu amerlassusissaat sulinerunerup annertussusia isiginiallugu aalajangersarneqartassapput. Aningaasarsiat taakku ataasiaannartumik tunniunneqartassapput. Aningaasarsiat taakku aalajangersarneqartassapput suliffeqarfiup tjenestemandip pineqartup atorfeqarfigisaata inassuteqaataa pillugu tjenestemandi siu-moortumik oqaloqatigereerlugu.

Kapitali VI. Aalajangersakkat immikkut ittut.

...

§ 24. Piffissaq suliffiusartoq pillugu malittarisassat immikkut ittut.

Matuma siuliini aalajangersakkat sulisitsisuni ataasiakkaani tjenestemandit pillugit malittarisassanik immikkut ittunik isumaqatigiissuteqarnikkut ilaneqarsinnaapput. Aammattaaq aalajangersakkat taakku isumaqatigiissuteqarnikkut tjenestemandininit sulineri immikkut ittunik atugassaqartitaasunit imaluunniit pissutsit immikkut ittut tamanna tunngavissaqartippassuk saneqqunneqarsinnaapput. Isumaqatigiissutit taamaattut sulisitsisuni ataasiakkaani sulineq pillugit immikkut aalajangersakkanut atuuttunut ilanngunneqassapput.” (Atorfeqarfimmi nutsigaavoq.)

Kommunip A-mut allakkaminut 7. april 2001-imeersunut Kommunit Kukkunersiuisuisa tikeraarnertik pillugu nalunaarusiaat nr. ... ilanngussimavaa. Nalunaarusiap ullua taaneqarsimanngilaq.

Tikeraarnej pillugu nalunaarusiamit kommunip A-mut saqqummiussimasaanit makku erserput:

”Pineqartoq soraarnerussutisiaqarluni 31/10-00 aallarnerffigalugu soraarsimavoq. Atorfik akissaateqarfimmut lønramme 35-mi skalatrin 48-mut inissitaavoq, 34.430 kr.-nik (1/4-91-imi) immikkut tapeqartinneqarluni. Immikkut tapit taakku tassaapput suliartoquneqaratarsinnaanermut tapit, sulinerunernut tamanut kiisalu ullunut sulingiffiusunut annaasanut tamanut matusissutissaasunik, tak. NAL 2-1-346. Aammattaq kommunaldirektørimut taartaasarnermut pisortap tulliatut tapeqartitsisoqarpoq, 24.380 kr.-nik (1/4-91-imi) aningaasartaqartunik.

1999-imi nalunaaquttap akunneri 751 sulineruffiusimapput. Taakkunannga nalunaaquttap akunnerinut 638-nut tapinik tunniussisoqarsimavoq, 121.002 kr.-nik aningaasartaqartunik. Taakku saniatigut unnuarsiornerisutit kiisalu arfininngornermi/sapaammi sulinerunermut tapit 7.069 kr.-nik aningaasartaqartut tunniunneqarsimapput.

2000-imi januarimit augustimut nalunaaquttap akunneri 348-t sulineruffiusimapput. Taakkunannga nalunaaquttap akunnerinut 297-inut tapinik tunniussisoqarsimavoq, 56.364 kr.-nik aningaasartaqartut. Taakku saniatigut unnuarsiornerisutit kiisalu arfininngornermi/sapaammi sulinerunermut tapit 3.474 kr.-nik aningaasartaqartut tunniunneqarsimapput.

Ataatsimut isigalugu inerniliilluni oqartoqarsinnaavoq kommuni sulinerunermut aningaasarsisitsimasoq, qaammammut nalunaaquttap akunnerisa qulit saniatigut, ukiup ingerlanerani ingerlaavartumik.

Pineqartoq 27/10-99-imit 28/2-00-imut kommunaldirektøriugallarsimavoq. Kommunaldirektøriugallernerimi aningaasarsiat eqqortumik naatsorsorneqarsimanagerat misissorneqarsimavoq. Sulinerunerup ilaa aningaasarsisitsiviusimasoq piffissap taassuma iluaniippoq, 48.773 kr.-nillu aningaasartaqarluni.

Pineqartoq 1999-imi 12/7-mit 11/8-mut aamma kommunaldirektøriugallarsimavoq. Piffissami tassani 6.073 kr.-t tunniunneqarsimapput. Aningaasat taakku eqqorluinnartumik naatsorsorneqarsinnaanngillat, tassami piffissani nikerartuni sulinerimi allagartamit ulluni sorlarni sulineruneg ingerlanneqarsimanersoq takuneqarsinnaanngimmat.” (Atorfeqarfimmi nutsigaavoq.)

Suliaq siullermik kommunalbestyrelsimit, tamatumalu kingorna aningaasaqarnermut ataatsimiititaliamit suliarineqareersoq kommuni A-mut 7. april 2001-imi imatut allappoq:

”Kukkunersiuisut akissarsiannut tunngasunik misissuinerat

Kukkunersiuisut nalunaarumminni nr. ...-imi kiisalu tikeraarnej pillugu nalunaarusiaminni oqaatigaat akissarsiatit amerlanaarlugit tunniunneqarsimasut (Tikeraarnermit nalunaarusiaq nr. ... ilanngullugu nassiunneqarpoq). Suliaq kommunalbestyrelsip 14. februar 2001-imi ataatsimiinnermi suliarisimavaa, taamatuttaarlu aningaasaqarnermut ataatsimiititaliap suliaq 28. marts 2001-imi oqaluuserisimalugu.

Aningaasat amerlanaarlugit tunniunneqarsimasut utertillugit akilerneqarnissaat aningaasaqarnermut ataatsimiititaliap kingullermik ataatsimiinnermini 28. marts 2001-imi akueraa.

Tamatumunnga atatillugu oqaatigineqassaaq kukkunersiuisut kiisalu ataatigut atsiortup kommunalbestyrelsimut aningaasaqarnermullu ataatsimiititaliamut oqaatigaat sulinerunermut aningaasarsiatut tunniunneqartut kiisalu immikkut tapiliussat inatsisinut atuuttunut toqqaannartumik assortuuttuusut.

Annertunerusumik iliuuseqannginninni qinnuiginiarpakkit suliaq pillugu oqaaseqaateqaqqullutit.

Ataatsimiinnissaq pillugu isumaqatigiissuteqarniarlutit attaveqarfiginiarumma ti-killuaqqusaavutit, tassanilu kukkunersiuisut oqaaseqaataat itisilersinnaavakka.

Naggasiullugu qinnuigissavakkit oqaaseqaatissaqaruit oqaaseqaatitit kingusinnerpaamik 25. april 2001-imi uannut apuuteqaqqullugit.

Inuulluaqqusillunga

D

Kommunaldirektør

Assilinerá Kommunit Kukkunersiuisuinut nassiunneqarpoq.” (Atorfeqarfimmi nutsigaavoq.)

A-p kommuni allakkatigut 21. april 2001-imeersutigut imatut akivaa:

”Pineqartoq: Kommunaldirektørip allagai 7. april 2001-imeersut.

Kommunaldirektørip allakkatigut qulaani taaneqartutigut qinnuigaanga K Kommunimi atorfeqarninni akissarsiat amerlanaarlugit tunniunneqarsimasut akileqqullugit. Allakkani aningaasat amerlassusiat piffissamulluunniit sumut attuumassuteqarnerat oqaatigineqarsimanngivippoq.

Allakkani oqaatigineqarpoq K Kommunimi atorfeqarnerma nalaani akissarsianik tigusisarnikkut inatsisinik unioqquutitsisumik iliuuseqarsimasunga. Inatsisit suut unioqquutissimamerikka oqaatigineqarsimanngilaq.

Akileqquneqartut pillugit 25. april 2001 nallertinnagu oqaaseqaateqaqqullunga kommunaldirektørip qinnuigisimavaanga.

Tamatumunnga atatillugu kommunalbestyrelsi nalunaarfigissavara K Kommunimi maj 1981-imi atorfininninnit 1. november 2000 aallarnerfigalugu soraarinnornissama tungaanut akissarsiat tapitalit tunniunneqartarsimasullu il.il. allat tunaartarisassat kommunalbestyrelsit aningaasaqarnermullu ataatsimiititaliat kiisalu qaninnerpaatut qullersarisat nikerartut akuerisarsimasaat malillugit tunniunneqartarsimasut.” (Atorfeqarfimmi nutsigaavoq.)

Kommuni A-mut 22. maj 2001-imi imatut allappoq:

”Pineqartoq: Akissarsiat amerlanaarlugit tunniunneqarsimasut utertillugit akilernerqarnissaat, tak. kommunip allagai 7. april 2001-imeersut.

Kommunip allagai 7. april 2001-imeersut pillugit oqaaseqaateqartussaasimavutit. Kommuni akerliliissutinik tigusaqarsimanngimmat annigaasat uku akileqqullugit qinnuigineqarputit:

27/10-99-imit 28/2-00-imut sulineruneq kr. 48.773

12/7-99-imit 11/8-00-imut sulineruneq kr. 6.073

Aningaasat katillugit 54.846 kr.-iupput.

Aningaasat ullumikkumiit ullut arfineq pingasut qaangiutsinnagit akileqquneqarput.

Sulinerunermut ingerlaavartumik tunniussisarsimaneq kiisalu immikkut tunniunneqartartunik tunniussisarsimaneq eqqarsaatigalugit ilisimatissavakkit kukkunersiuisut maani 2001-imi junip qiteqqunnerani tikeraarneranut atatillugu ataatsimiigialuqullutit aggeqquneqarumaaravit.

Inuulluaqqusillunga
D
kommunaldirektør” (Atorfeqarfimmi nutsigaavoq.)

Tamatuma kingorna kommunaldirektør D-p A-mut e-mailkkut allagai
18. juni 2001-imeersut imaattut ilanngunneqarsimapput:

”Pineqartoq: Akissarsianik amerlanaarlugit tunniunneqartunik utertitsilluni aki-
liineq.

Qulaani taaneqartoq borgmesterimut oqaloqatiginnissutigiumallugu kissaatigisi-
mavat.

Taamaattumik borgmesterip allaffianut 25. juni nal. 10.00 ataatsimiigiaqqullutit
qaaqquneqarputit.

Ataatsimiinnermi borgmesteri, kukkunersiuisut pisortaat R kiisalu ataatigut atsi-
ortoq peqataassapput.

Isumaqatigiissutip tigonera uppernarsalaarsinnaaviuk.” (Atorfeqarfimmi nuts-
igaavoq.)

A kommunimut 20. juni 2001-imi imatut allappoq:

”Asasara borgmesteri.

Pineqartoq: 25. juni 2001-imi nal. 10.00 ataatsiigiaqqusissut.

Kommunaldirektør D-p qarasaasiakkut allakkatigut 18. juni 2001-imeersutigut il-
lit allaffinni 25. juni nal. 10.00 ataatsimiinnissamat qaaqqusimavaanga. Qarasaasi-
akkut allakkani qulaani taaneqartuni oqaatigineqarpoq kommunaldirektør D kukku-
nersiuisullu pisortaat R peqataassasut.

1. viceborgmesterimit ilisimatinneqarsimassagunarputit uanga nuliaralu 2001-i-
mi majip naalernerani 1. viceborgmesteri ataatsimeeqatigisimagipput, tassanilu K
Kommunip kommunimi atorfeqarninni pasilliutinik akissarsianillu utertitsilluni aki-
leeqqusilluni allagai 7. april 2001-imeersut aamma 22. maj 2001-imeersut pillugit i-
summakka saqqummiussimagikka. Kommunip allagaasa uangalu allakkama 21. ap-
ril 2001-imeersut assilineri 1. viceborgmesterip tiguai. 1. viceborgmester oqarpoq
allami ataatsimeereerlutit K-mut uterniariaruit ilisimatinniarlutit.

Nalunaarutigisinnaavara illit allaffinni 25. juni 2001-imi nal. 10.00 uanga nulia-
malu ataatsimeeqatigerusukkitsigit, kisianni kommunaldirektør D aamma kukkuner-
siuisut pisortaat R peqataatinnagit. Tamatumunnga pissutaasoq 1. viceborgmesteri-
mik nuliaralu ataatsimeeqateqarnitsinni nalunaarutigaaara.” (Atorfeqarfimmi nuts-
igaavoq.)

Kommunaldirektørip qarasaasiakkut allakkat imaattut A-mut 22. juni
2001-imi nassiuppai:

”Pineqartoq: Borgmesterimik ataatsimeeqateqarnissaq

Allakkatigut 20. juni 2001-imeersutigut borgmesteri nalunaarfigisimavat ataatsi-
miinnermi ataatigut atsiortup kukkunersiuisullu peqataanissaat kissaatiginngikkat.

Suliaq borgmesterimut oqaloqatiginnissutigisimavara, isumaqarlungalugu ataatigut
atsiortumik kiisalu kukkunersiuisumik ataatsimeeqateqarusunnginnerit ajuusaarnar-
tuusoq.

Ataatsimiinnermut tunngaviusoq tassaaginnarpoq suliap qulaajarneqarnissaa, matumani qinikkatut aalajangiisartunut sulinerunerit pillugu suna tunngavigalugu i-litsersuisimanerit ilanngullugu eqqarsaatigalugu.

Borgmesterimik ataatsimeeqateqarnissaq eqqarsaatigalugu oqaatigissavara borgmesterip kingusinnerusukkut ataatsimiigiaqquniaraatit, taamaattumillu ataatsimiinnissatut pilersaarutigineqartoq taamaatinneqartutut isigissavat.” (Atorfeqarfimmi nutsigaavoq.)

Kommunip A-mut 5. september 2001-imi imaattunik allagaqarnermigut suliamik suliarinninnermi iliuuseq tulleg iliuuseraa:

”Pineqartoq: Akissarsianik amerlanaarlugit tunniunneqartunik utertitsilluni aki-liineq kiisalu nuliavit ullumikkut saaffiginninnera. Nuliat ... puffassimaangaatsiaqaluni allaffinnut ullumikkut saaffiginnippoq. Taamatut attaveqarfiginninnermut pisutaasoq isumaga malillugu suunngilluinnarpoq.

... peqqusimavara kommunip oqarasuaatai nalunaarsorlugit allattoqqullugit. Allattuiffimmi tassani normut ataasiakkaat suussusersisinnaannginnatsigit normut taakku sianerfiginiarlugit aalajangerpugut.

Illit normutoqqat taakku aamma ilagaat. Nipigali tusaannarlugu kamalertaravit sumilluunniit nassuiaannissat ajornarsimavoq.

Soorunami nalunngilara oqarasuaammut angallattakkamut atatillugu pisussaaffiit tamaasa tigusimagitit. Allattoqarfiup allattuiffimmit piinngitsuuginnarsimavaatit, massakulli peersimavaatit.

Nuliavit aamma oqaatigaa malersugarikkit. Suleqatinnit allanillu paasissutissat pissarsiarisakka tunngavigalugit killormorluinnaq igunarpoq. Aamma oqarpoq ilas-sineq ajorikkit. Ilinnut nuliannullu ilisimatitsissutitut oqaatigissavara inuit tunuin-nartartut ilassissallugit ajornakusoortuummat, nuliallu eqqarsaatigalugu tummeq-qani saneqquttarluni kannannaq isigalugu.

Kommunimut akiitsutit eqqarsaatigalugit ataatsimeeqatiginnissamik isumaqati-giissuteqarfiginissat ajornakusoorsimavoq, oqaannaraanniluunniit ajornavissimasoq eqqornerussaaq. Kukkunersuisut uangalu kingullermik junip qaammataani ataatsi-meeqatiginiarsimagaluarpatsigit.

Suliaq eqqartuussisulerisutsinut oqaloqatiginnissutigisimavara, taannalu aamma qularuteqarnani oqarpoq aningaasat pisassarinningsatit ilinnut tunniuteqqullugit i-ngerlatsivik ilitsersorsimagit. Taamaattumik piumasaqaativut akilersinniarlugit taanna aqutugalugu massakut nassuilersaarpakka.

Taamaattorli taamaaliunnginninni ataani atsiortumut isumaqatigiissuteqarnissan-nut ullunik arfineq pingasunik piffissalerniarpakkit. Aamma kaammattorumavakkit uannut siunissami toqqaannartumik saaffiginnittaqqullutit, nuliallu oqariartortitatut atortaqqunagu. Kommunimi atorfeqarpoq, ilumoorfiginninnissamullu pisussaaffe-qarluni, ullumi qaangertuungajataminik, tamannalu naleqquttuunngilaq.” (Atorfe-qarfimmi nutsigaavoq.)

A kommunimut 11. september 2001-imi imatut allappoq:

”Pineqartoq: Kommunip allagai 7. april 2001-imeersut, 22. maj 2001-imeersut aamma 5. september 2001-imeersut.

Allakkat qulaani taaneqartut tigugakkit uppersarpara.

K Kommuni qinnuigineqarpoq allakkatigut nalunaarutigeqqullugu K Kommuni atorfeqarninni akissarsiat uannut tunniunneqartut inatsisinut sunut assortuuttuunersut nalunaarutigeqqullugu.” (Atorfeqarfimmi nutsigaavoq.)

Kommunip A 27. september 2001-imi imatut akivaa:

”Apeqquteqaatinnut 11. september 2001-imeersumut akissut.

Piffissani kommunaldirektøriugallarfigisimasanni Kalaallit Nunaanni tjenestemandinut atorfinni qaffasinnerusuniittunut akiliutit il.il. pillugu isumaqatigiissummi pineqartunut ilaasimavutit. (Isumaqatigiissut ilanngullugu nassiunneqarpoq).

Isumaqatigiissummi pgf. 7, imm. 2-mit erserpoq immikkut tunniunneqartartut atorfimmut qulliunerusumut pineqartumut amerlassusiliussat atuuttut malillugit tunniunneqartassasut.

Kommunini tjenestemanditut atorfiit aalajangersimasut akissaatitigut inissinnekarnerat pillugu isumaqatigiissummi pgf. 2, imm. 2-mit, kommunaldirektørinut tapinut tunngasumit, ilaatigut erserpoq sulinerunermut aningaasarsiaqartitsineq pillugu aalajangersakkat kiisalu ullunut sulinnigffinnut annaasanut aningaasarsiaqartitsineq pillugu aalajangersakkat kommunaldirektørinut atoneqassasut.

Isumaqatigiissutit taakku marluk imminnut sanilliukkukkit, soorlu kukkunersiuisup R-ip aamma taamaalioqqusimagaatit, kommunaldirektøriugallartut inissisimanermi sulinerunermut kommuni aningaasarsisitseqqussallugu malittarisassanut atuuttunut assortuuttuuvuq.

Tassa malittarisassat siusinnerusukket kommunaldirektørusartut unioqquttarsimasaat unioqqutissimavatit. Ilaatigut aningaasaqarnermut ataatsimiititaliamut/qullersarisamut qaninnerpaamut eqqortunik paasisutissiinninneq pineqartup atorfiminut peersinneqarneranut tunngaviusut ilagaat. Tamanna suliami allagaatinit erserpoq, suliarlumi taanna illit aamma ilisimaaraat.

Isumaqarpunga suliamik qulaani taaneqartumik ilisimaarinninnerit, ilaatigullu piffissani kommunaldirektøriugallarfinni sulineruninnut aningaasarsiaqarnissamik piumasaqaateqarsinnaannginninnik kukkunersiuisunit aamma ilisimatineqarsimanagerit pissutigalugit suliaq suli ilungersunarnerulersoq.

Aamma suliamik ilungersunarisisitsisoq tassaavoq malittarisassanik aalajangersakkanillu illit siusinnerusukket sulisoqarnermut pisortaaamasutut ilisimareersimasassannik sumiginnaasimanagerit.

Naggasiullugu malugeqqunngitsuussanngilara suliassaqarfimmi pingaaruteqartuni allani Namminersornerullutik Oqartussat isumaqatigiissutitigut inatsisitigullu tunngavigisaanik aamma sumiginnaasarsimanagerit uppernarsarsinnaagiga.

Tamanna kommunip aningaasaqarnikkut annertuumik annaasaqarneranik kinguneqarsimavoq.” (Atorfeqarfimmi nutsigaavoq.)

A tamatuma kingorna, tassalu 5. oktober 2001-imi, uannut naammagittaalliorpoq. Naammagittaalliuut imaappoq:

”Ombudsmandi matumuuna qinnuigissavara K Kommunip 31. oktober 2000-imi soraarinnngornissama tungaanut atorfeqarninnut atatillugu akissarsianik amerlaaarlugit tunniunneqarsimasunik utertitseqqusilluni piumasaqarnerminut atatillugu Kalaallit Nunaanni suliassat suliarineqartarnerat pillugu inatsimmi aamma ingerlatsineq pillugu inatsimmi malittarisassat tamaasa eqqortissimanageri nalileeqqullugu.

Makku ilanngussatut nassiuppakka:

1. K Kommunip allagai 7. april 2001-imeersut, suliaq nr. 9-mik taaneqartoq ilanngullugu.
Allakkat taakku pillugit oqaatigaara ilanngullugu suliatut nr. 9-tut taaneqartumit ersinngimmat uanga inuttut pineqarnersunga, Kommunillu Kukkuersuisui inatsisit suut unioqutinneqarsimasinnaanerit pillugu kommunalbestyrelsimut inasuteqaateqarsimappata taassuma assilinerit ilanngunneqarsimanngitsaq. Aamma tupigaara kommunalbestyrelsip aningaasaqarnermullu ataatsimiititaliap 2001-imi 14. februarimi aamma 28. martsimi ataatsimiinnerinit imaqarnilianik ilanngussisoqarsimannginnera issuaasoqarsimannginneraluunniit, suut aalajangerneqarsimasut erseqqissumik takuneqarsinnaanngortillugit. Taamatuttaaq allakkanik atsiortup oqaatsimik ”uanga”-mik kommunip allagaani atuisimanera tupigaara.
2. K Kommunimi kommunalbestyrelsimut allakkakka 21. april 2001-imeersut.
3. K Kommunimit allakkat 22. maj 2001-imeersut.
4. Kommunaldirektør D-p e-mailikkut nassiussaa 18. juni 2001-imeersaq.
5. Borgmesterimut allakkakka 20. juni 2001-imeersut.
6. Kommunaldirektør D-p e-mailikkut nassiussaa 22. juni 2001-imeersaq.
7. K Kommunimit allakkat 5. september 2001-imeersut. Atsiortup oqaaseq ”uanga” atoqqissimavaa.
8. K Kommunimut allakkakka 11. september 2001-imeersut.
9. K Kommunip allagai 27. september 2001-imeersut, taakkulu imarisaasa K Kommunip pillugu naammagittaaliortariaqalersippaannga, tassami K Kommunimi sisinnerusukku atorfeqarsimasoq, uanga paasinninnera malillugu uanga K Kommunillu akunnitsinni pisimasinnaasunut akuliunneqarnissaa takusinnaanngilluinagara, kiisalu 15. juni 1991 sioqqullugu – ullormi taanna aallarnerfigalugu taamatut suliuunaarama - sulisoqarnermut pisortatut sulisimaninni pissutsit akuliusimammagit – taakkulu uanga K Kommunillu akunnitsinni pissutsinut attuumasuteqarnerat takusinnaanngisara, akuliussuussimammagit. Uannullu kusanaanerpaapput allakkani immikkoortup kingulliup tulliani kingullermilu pasillitit uppernarsaasersugaanngitsut.
10. Utoqqalinerit pissutigalugu soraarniuteqarlunga K Kommunimut allakkakka 16. december 1999-imeersut.
11. Utoqqalineq pissutigalugu soraarneq pillugu Namminersomerullutik Oqartussat allagaat 27. marts 2000-imeersut.
12. K Kommunimit allakkat 6. juni 1991-imeersut.
13. K Kommunimut allakkakka 15. juni 1991-imeersut.” (Atorfeqarfimmi nutsigaa-voq.)

Kommunimut 11. oktober 2001-imi imatut allappunga:

”Akissarsianik amerlanaarlugit tunniussanik A-mut utertitseqqusissut pillugu suliami kommunip suliarinninnera pillugu naammagittaalliuut kommunip aningaasaqarnermut pisortarisimasaanit A-mit, 5. oktober 2001-imi tigusimavara.

Naammagittaalliuut ilanngussartalik, A-p uannut nassiussimasaa, assilillugu ilanngullugu nassiuppara.

Naammagittaalliuut imatut paasivara, A isumaqartoq ingerlatsinermi inatsisitigut malittarisassat kommunip aningaasanik utertitsilluni akileeqqusineq pillugu suliami suliaqarnerani malinneqanngitsut.

Suliami allagaatit A-p naammagittaalliuuteqarnerminut ilanngussimasaasa, pissutsit makkua misissuiffiginissaannut pissutissaqartilerpaannga:

Utertitsilluni akiliinissamut piunasaqaatip A-p soraarninngornerata kingorna aat-saat atuutsinniarneqalerneranut pissutaasoq.

Kommuni qinnuigineqarpoq, piumasaaqatip aatsaat april 2001-imi atuutsinniarneqarneranarut pissutaasoq nassuiaateqarfigeqqullugu.

Kommunip 7. april 2001-imi A-mut allagai.

Kommuni qinnuigineqarpoq sooq allakkani aningaasat utertillugit akilersinniarneqartut annertussusiat oqaatigineqarsimannginnersoq nassuiaateqarfigeqqullugu.

Kommunip allakkami oqaatigaa, amerlanaarlugit aningaasat tunniunneqarsimasut utertillugit akilerneqarnissaat piumasariniallugu kommunip aalajangereersimagaa.

Tamatumunnga atatillugu kommunip qinnuigineqarpoq, kommunip taamatut pisoqarnera suliaasat suliarineqartarnerat pillugu inatsimmi § 19-imut, aalajangiisoqartinnagu suliami peqataasumik tusarniaaviginninnissamut pisussaaffeqarnermut, naleqquttutut kommunip isiginerlugu nassuiaateqarfigeqqullugu.

Kommuni qinnuigineqarpoq, kommunip paasinninnera naapertorlugu inatsisitigut malittarisassat suut unioqquatinneqarsimanersut nassuiaateqarfigeqqullugu, kommunip allakkani imatut allammat:

“Tamatumunnga tunngatillugu oqaatigineqassaaq, kukkunersuiisoqarfik matumani allakkani atsiortoq kommunibestyrelsimut aningaasaqarnermullu ataatsimiittialimut oqaatigisimagaa qaangiuttorsianik immikkullu tapinik akiliinerit inatsisinik atuuttuusunik unioqquitsinerusut.” (Atorfeqarfimmi nutsigaavoq)

Tamatumunnga peqatigitillugu kommunip qinnuigineqarpoq, allakkani A-p inatsisitigut malittarisassat sorliit innersuussutigineqarnerannik kommunimit sooq paasisutissinneqannginnera nassuiaateqarfigeqqullugu.

Kommunip 22. maj 2001-imi A-mut allagai.

Kommuni salliutillugu qinnuigineqarpoq, kommunip allakkani utertitsinissamik piumasaaqatini tamakkerlugit 54.846 koruuninut naatsorsorsimanerai nassuiaateqarfigeqqullugu.

Kommuni tulliutillugu qinnuigineqarpoq, allakkani oqaaseqatigiinni kingullerni suna pineqarnersoq nassuiaateqarfigeqqullugu:

”Ingerlaavartumik tunniuttakkat eqqarsaatigalugit ...” (Atorfeqarfimmi nutsigaavoq.)

Aammalu kommunip qinnuigineqarpoq, A-p kommunip suliamik paasinninneranarut oqaaseqaateqarluni, 21. april 2001 kommunimut allakkani uannut naammagittaalliumminut ilanngussimagaluarai, kommunip allakkani, kommunip ”akerliliinermik tigusaqarsimanngitsoq”-mik, oqarneranarut suna patsisaanersooq nassuiaateqarfigeqqullugu.

Kommunip 5. september 2001-imi A-mut allagai.

Kommuni qinnuigineqarpoq, allakkat oqaasertalersorneqarnerat ingerlatsinermi ileqqorissaarnissamut tulluurtutut kommunip isumaqarfigineraa nassuiaateqarfigeqqullugu.

Tulliullugu kommunip qinnuigineqarpoq, kommunip A-mut nuliainik sinniisoqannginnissaanik qinnuigalugu qinnuteqarnera, suliaasat suliarineqartarnerat pillugu inatsimmi § 8, imm. 1-imi, oqaaseqatigiinnut siullernut sinniisoqarsinnaanermut pisinnaatitaaffimmut tunngasunut, naleqquttutut isumaqarfigineraa nassuiaateqarfigeqqullugu.

Kommunip 27. september 2001-imi A-mut allagai.

Kommuni qinnuigineqarpoq, atorfimmuut tunngasumik unioqquitsisimaneq pillugu suliamik kommunimi sulisumut allamut nalunaaruteqarnek, allakkami pisimasutut, kommunip paasinninnera naapertorlugu, sulianik nipangiussisussaataitanermut malittarisassanarut tulluurtuunersooq.

Tulliullugu kommunip qinnuigineqarpoq, allakkani naggasiullugu oqaatigineqarnerut imaattunut pissuutaasoq nassuiaateqarfigeqqullugu:

”Naggasiullugu ilisimatitsissutigissavara uppernarsaatissaqartikkakku allat pingaaruteqartut pillugit aamma Namminersornerullutik Oqartussat isumaqatigiissutaat inatsisitigullu tunngaviusut unioqqtissimagakkit.

Tamatuma kinguneraa kommunip annertuumik aningaasatigut annaasaqarnera.” (Atorfeqarfimmi nutsigaavoq).

Tamatumunnga atatillugu kommuni qinnuigineqarpoq, issuarneqartut pissutsit suut innersuussutigineraat nassuiaateqaqqullugu.

Kommunip utertitseqqusilluni piunasaqarnera ataatsimut isigalugu.

Kommuni qinnuigineqarpoq, suliassat suliarineqartarnerat pillugu inatsimmi § 22 aamma § 24-imi tunngavilersuinissamik piunasaqaat suliarni naammassineqarsimasutut kommunip isumaqarfigineraa naliliiffigeqqullugu.

Kiisalu kommuni qinnuigineqarpoq, utertitsinissamik piunasaqaatiminut kukkurnersuiusut naliliinerat kisiat kommunip tunngavigineraa, imaluunniit kommunip piunasaqaatimini paasissutissat allat eqqarsaatersuutillu allat tunngavigisimanerai nassuiaateqarfigeqqullugu.

Kiisalu kommuni qinnuigaara A-p sulisutut mappianik misissugassanngorlugu nasseqqullunga.

Paatsuungasoqaqqunagu oqaatigissavara, kommunip oqaaseqaataa A-mut suliarni peqataasutut oqaaseqarfigisassanngorlugu, saqqummiuneqarsinnaajumaarmat.”

Allakkat tulliuuttut kommunip eqqartuussissuserisuanit tigusimasami asilineri A-p uannut 29. oktober 2001-imi nassiuppai:

”Pineqartoq: K Kommunimut akiitsut

K Kommunip ataatigut atsiortoq qinnuigisimavaa akiitsutit 54.846,00 kr.-iusut akilersinniaqqullugit, taakkulu tassaapput K Kommunimi atorfeqarnerpit nalaani amerlanaarlugit akissarsiarisimasavit amerlaqataat.

Suliarni paasissutissanit erserpoq 1999-imi 12. julimit 11. augustimut aamma 27. oktober 1999-imit 28. februar 2000-imut K Kommunini kommunaldirektøriugallarsimasutit. Aammattaaq erserpoq piffissani kommunaldirektøriugallarfinni sulinerusimaninnut aningaasarsisimasutit, tulleriinneri malillugit 6.073,00 kr.-nik aamma 48.773,00 kr.-nik.

Kalaallit Nunaanni tjenestemandinut atorfinni qaffasinnerusuni suligallartunut akiliuteqartarnek il.il. pillugit isumaqatigiissummi § 3-p nassataraa tjenestemandi atorfinni qaffasinnerusumi suligallartoq atorfini naapertorlugu akissarsiami tapit kiisalu atorfinni qaffasinnerusumi suliffigigallakkamini atorfeqavissuuguni akissarsiat nikingassutaat akissarsiarissagai. Tamanna tunngavigalugu K Kommunimi kommunaldirektørip akissarsiai piffissani kommunaldirektøriugallarfinni akissarsiarisarsimavatit.

K Kommunimi kommunaldirektørip akissarsiai piffissani kommunaldirektøriugallarfinni kommunini tjenestemanditut atorfiit aalajangersimasut akissaatitigut inissinneqarnerat pillugu isumaqatigiisutikkut 26. maj 1999-imeersuklut aalajangersarneqarsimapput. Isumaqatigiissummi § 2, imm. 2-p nassataraa sulinerunermut aningaasarsiaqartitsineq pillugu aalajangersakkap kommunaldirektørinut atuutinninnera. Tamatuma nassatarisaanik piffissani kommunaldirektøriugallarfinni sulinerunermut aningaasarsiat tigusassarinagit tigusarsimavatit.

K Kommunimi sulisoqarnermut siusinnerukkut pisortaasimasutut sulinerunermut kommunaldirektørit aningaasarsinneqartarnerat pillugu malittarisassat ilisimasimagakkit, taamaakkaluartorli piffissani kommunaldirektøriugallarfinni sulinerunitit nalunaarutigisarsimagakkit, taamaaliornikkullu aningaasarsiat tunniunneqartittar-

simagakkitt K Kommuni sinnerlugu pissutsit taamaannerat politiinut unnerluussissutiginnaavara.

Qulaani taaneqartut tunngavigalugit inussiarnersumik qinnuigissavakkitt 54.846,00 kr.-nut uanga allaffinnut piaarnerpaamik akileqqullugit, kingusinnerpaamillu ullumikkumiit ullut 14-it qaangiutsinnagit, taamaaliunngikkui immi unnerluutiginnaavara peqquneqarsimagama. Checki atorlugu akiliisinnavutit, imaluunniit allaffiup kontoanut nr. ...-mut.

Kiisalu paatsoortoqaqqunagu nalunaarutigissavara allakkat uku ernialersueqqusissutitut isigineqassammata, tak. ernialersuineq pillugu inatsimmi § 3, imm. 2, taannalu malillugu K Kommunip pisassarisai diskonto sukkulluunniit atuuttoq 5%-inik taperlugu ernialersorneqassapput, ullumikkumiit ullut 30-it qaangiunnerannit aallartituumik, akiliisoqarnissaata tungaanut.” (Atorfeqarfimmi nutsigaavoq.)

Kommunimut 31. oktober 2001-imi imatut allappunga:

”Aallaqqaasiullugu paatsoortoqaqqunagulu uppersarpara kommunip allagai 26. oktober 2001-imi tigugakkitt, allakkanilu taakkunani oqaatigineqarpoq suliami novemberip naannginnerani akissuteqarsinnaanissani kommunip naatsorsuutigigaa.

Tamatuma kingorna kommunip eqqartuussissuserisuata allagaasa assilineri A-mit 29. oktober 2001-imi tiguakka. Allakkat taakku assilineri ilisimatitsissutitut ilanngullugit nassiuppakka.

Tamatumunnga atatillugu kommuni qinnuigaara suliaq, eqqartuussissuserisup oqarneratut, eqqartuussivimmut suliaassanngortinniarneqarnerisut, imaluunniit inatsisitigut pissutsit kommunip utertitsilluni akileeqqusinerminut tunngavigisai pillugit politiinut unnerluussisoqarniarnersut nalunaarutigeqqullugu.”

Kommunip akissutaa imaattoq 23. januar 2002-mi tiguara:

”Naammagittaalliut qulaani taaneqartoq kiisalu suliaq A-mut tunngasoq pillugu akissutitut nassuiaat matumuuna nassiunneqarpoq. Tamanna ajornanngippat K Kommunip Ombudsmandi ataatsimeeqatigerusukkualuarpaa, suliaq oqaloqatiginnaavara suliaq oqaloqatiginnaavara. Taamatut kissaateqarnerq suliamut kommunaldirektoriusimasumit X-imit aallartinneqarsimasumut attuumassuteqarneranik pissuteqarpoq.

Aningaasaqarnermut siusinnerusukkut pisortaasimasoq A pillugu nassuiaat matumuuna nassiunneqarpoq. Tamatumunnga peqatigitillugu piffissap suliamik suliarinninnermut atornerqartup siviissusia kommunip ajuusaarutigaa, tamannalu sulisunik amigaateqarnermik pissuteqarpoq.

Aallaqqaasiullugu A-p Ombudsmandimut Kalaallit Nunaanni inatsisinik malinninnginneq pillugu naammagittaalliornera kommunip eqqumiigisinnavaa.

Pingaartumik taassuma inatsisinik taakkuninnga kiisalu sulianik suliarinninnermut atatillugu malittarisassanik allanik uppersarnerqarsinnaasumik nammineq unioqqutitsisimanera eqqarsaatigalugu, matumani isumaqatigiissutinik piimasaannarmik atuineq, inuussutissarsiutinut tapersiissutit pillugit nalunaaruteqartannginneq kiisalu assersuutigalugu atorfeqartitaasunut tapinik tunniussisarnerq ilanngullugit eqqarsaatigalugit. Tapit Namminersornerullutik Oqartussanit akuerisaanngitsut, tapillu tunniutissallugit inatsisitigut tunngavissaqanngitsut.

Nassuiaatip matuma naggataa tungaani assersuutinik saqqummiussisoqarumaarpoq.

Tamatumunnga peqatigitillugu oqaatigineqassaaq isumaqatigiissut inatsisinik unioqqutitsisoq taassuma nammineq kommunaldirektørimut 2000-imi novemberimi isumaqatigiissutigeriarsimagaluarmagu. (Kommunaldirektørip A-mut allagai 2. no-

vember 2000-imeersut suliamiipput). Tamatumunnga atatillugu taamani borgmesteriusumut naammagittaalliorsimavoq, kommunaldirektørilu aalajangersakkanik ingasattajaaraluni malinninniartutut (paragrafrytter) taasimallugu.

Utertitsilluni akileeqqusinermik piunasaqaatip aatsaat A-p soraarnerata kingorna saqqummiunneqarneranut pissutaasut makkuupput:

Kommunaldirektørip sulilernermini pissusissamisuungitsorpassuit paasisimavai, tamakkulu ilaatigut ingerlatsiviup iluinnaani allakkiamit isertuussassaasumit, aningaasaqarnermut ataatsimiititaliap 7. november 2000-imi ataatsimiinnerani saqqummiunneqartumit erseerput. Assiliner ilanngussatut 1-itut nassiunneqarpoq. Aamma uppenarsaatitut ilanngussatut 2-tut nassiunneqarput 1997-imit 1997-imut akissarsiat allagartaat. Akissarsiat pillugit nalunaarutinit taakkunnga erseerpoq A-p akissarsiai 1997-imit 1999-imut 120.000 kr.-t sinnerlugit qaffariarsimasut.

A 2000-imi novemberimi pisortatigoortumik tunuarpoq.

Kukkunersiuisut kommunip naatsorsuutaanik misissuineranni, matumani ingerlatsivinni pisortat akissarsiaannik misissuineq ilanngullugu eqqarsaatigalugu, paasiunneqarpoq A-p atorfini atornerlullugu piffissani kommunaldirektøriugallarfigisamini sulinerunermut akissarsiat imminut tunniunneqarnissaat borgmesterimut isumagitissimagaa. Kukkunersiuisut nalunaarutaat nr. ... kommunalbestyrelsip 14. februarimi tamatumalu kingorna aningaasaqarnermut ataatsimiititaliap 28. marts ataatsimiinnerini aatsaat oqaluuserineqarmat ataatsimiinnerit taakku ingerlanneqareertinnagit A tamakku pillugit allaffigineqarsinnaasimangilaq.

Kommuniap allagai 7. april 2001-imeersut:

Aningaasat amerlassusiisa allakkani taaneqarsimanginnerannut una pissutaavoq:

Aningaasat amerlassusiat ilanngussami kukkunersiuisut nalunaarusiaannut nr. ...-imut ilanngullugu nassiunneqartumi taaneqarsimavoq. A-p nalunngilluinnarpaa sulinerunini ilanngussami tassani allaaserineqarsimasut.

Aningaasat utertillugit akilersinniarneqarnissaannik aalajangernermik kommunip nalunaaruteqarneranut pissutaasut ilaatigut makkuupput:

A Kommunit Kukkunersiuisuini kukkunersiuisut pisortaannit R-imit siusinnerusukkut oqarfigineqarsimavoq kommunaldirektøriugallartutut akissarsiaqaatigaluni sulinerunermut aningaasarsiaqarsinnaanngitsoq. Tamanna kommunaldirektøriugallartutut atugassarisai pillugit oqaloqatigiinnermut atatillugu pisimavoq. A sukkulluunniit tamakkuninnga ilisimasaqarsimangitsutut imminut isigisinnaasimangilaq.

Taamaattumik aningaasat utertillugit akilernissaat A-p naatsorsuutigisinnaasimavaa. Kommuni isumaqarpoq tusarniaanissamut pisussaaffeqanngitsoq, assersuutigalugu qaangiuttoornerit amerlavallaat nalunaarutiginerisigut nalunngikkaanni aningaasat utertillugit akilernerqartussaasut.

Taamatuttaaq akissarsiatut tunniunneqartut atorfeqartitaasut tusarniaavigeqqaarnagit aqqiivigineqartarneri nalinginnaasuupput. Matumani allaassutaasoq tassavoq A-p soraarsimanera.

Inatsitigut malittarisassat eqqartorneqartut tassaapput tjenestemandit pillugit inatsimmi sulinerunermi aningaasarsiat tunniunneqartarnerat pillugu malittarisassat. Malittarisassat taakku A-p nalunngilai. Tamanna innersuussisoqannginneranut ilaatigut pissutaavoq. Malittarisassat taakku A-mut kingusinnerusukkut nassiunneqarsimapput, puiguisimanerani ajornanngippat eqqaaseqinniarlugu.

Kommunip A-mut allagai 22. maj 2001-imeersut

Pisassarisat taakku kommunaldirektøriugallartutut akissarsiaqaatigaluni aningaasanik sunik tunineqarsimaneramik kukkunersiuisut paasisutissiisutaat tunngavilugit naatsorsorneqarsimapput.

A-p akerliliissutai pillugit allakkat eqqarsaatigalugit oqaatigineqarsinnaavoq taakku suliamut kukkusumut ilineqarsimasut, taamaattumillu suliap suliarineqarnerani ilaatinneqarsimanatik. Taamaalilluni ilanngussaqaamit erserpoq taakku takkuttutut kiisalu borgmesterimit kommunaldirektørimilluunniit takuneqarsimasutut naqissuserneqarsimanngitsut. Ilanngussaq taanna ullumikkut suliami A-mut tunngasumiippoq.

Kommunip allagai 5. september 2001-imeersut

Apeqqut siulleq arlaannaannulluunniit attuumassuteqanngitsumit naliliivigineqartariaqarpoq.

A-p nuliata A-mut sinniisuusinnaatitaanera eqqarsaatigalugu taanna inassuteqaataavoq, peqqussutaanani. Tamatumunnga pissutaasoq tassaavoq ...-p 5. septemberimi kommunaldirektørimut puffassimaarlunilu kamattorujussuunera, isiginnittut takkuanni. Pisup tamatuma kingorna ...-p oqaloqatigineqarneranit imaqarniliaq ilanngussatut 3-tut nassiunneqarpoq.

Kommunip allagai 27. september 2001-imeersut

Pissutsit suliamut annertuumik pingaaruteqarsimmata, suliallu isertuussassaanera ...-p nalunngimmagu kommuni isumaqarluinnarpoq A tassaasoq nipangiussisussaatitaanermik atornerluisoq. Taamaalilluni allakkat taakku siusinnerusukkut direktøriusimasumut takutillugillu oqaloqatiginnissutigisimavai, naak suliaq nipangiussisussaatitaanerminut ilaasoq nalunngikkaluarlugu. Tamanna A-p tungaanit pimoorullugu iliuusaasoq kommunip qularutiginnigilaa.

Suliaasimasoq taanna A-p tamakkiisumik ilisimasaqarfigaa, taamanimi atorfeqartitaagami. Taamaattoqarnera suliamut sakkortunerusumik sunniuteqarmat pissutsit taamaannerat soorunami innersuussutigineqarpoq. Tjenestemandit pillugit inatsimmi § 11, imm. 2 aamma innersuussutigineqarpoq.

Apeqqut tulliuuttoq, assersuusiorfigineqarsimanngitsuq nipangiussisussaatitaanermik kommunip nakkutiginninnera pillugu Ombudsmandip apeqqutaanut siullermut assortuuttuusok kommuni isumaqarpoq, taamaattumillu tamanna kommunip nassui-aqquniarpaa.

Ombudsmandilli suliamik suliarinninnerani atugassatut makku ilanngussatut 4-tut nassiunneqarput:

...-p atorfinitsinneqarnerani allakkiaq.

... pisortaanut ikiortitut atorfinitsinneqarsimavoq, naak kommunip entreprenøreqarfianut pisortaagaluarluni.

Suliaq ...-p tapisiaqarneranut tunngasoq

...-mut § malillugu amerlavallaanik tapisisititsineq (Ilanngussaq 1-imi allaaserineqarpoq)

Suliaq ...-p tapisiaqarneranut tunngasoq

A-p suliniuteqarneratigut inatsisitigut tunngavissaqarnani 40.000 kr.-nik tunnius-sineq. (Ilanngussaq 1)

Sulisunik pisortaagallartunngortitsineq

Mail 11. juni 1998-imeersoq innersuussutigineqarpoq

Sulisut atorfiisa akissaatitigut inissinneqarnerinik KANUKOKA-mut saqqummi-usseqaarnani allannngortitsineq

Kommunaldirektørip nassuiaataa innersuussutigineqarpoq (Ilanngussaq 1)

...-p inuussutissarsiornermik siunertaqartumik attartorneq (tapiissutit) pillugu nalunaaruteqarneq.

Kommunaldirektørip nassuiaataa innersuussutigineqarpoq (Ilanngussaq 1) suliap allaqqinneqarneranut.

Kommunip utertitsilluni akileeqqusinera ataatsimut isigalugu

Tunngavilersuut allakkanit 27. septemberimeersuni erseqqissumik takuneqarsinnaavoq. Kommunip taama kingusitsigisukkut aatsaat tunngavilersuunera pissuteqar-

poq kommuni isumaqarluinnarmat ilaatigut malittarisassat A-p ilisimagai, tassami sulisoqarnermut tunngasunut ukiorpassuarni akisussaasuusimammatt.

Kommunip akileeqqusinini kukkunersiuinikkut naliliinermik taamaallaat tunnga-veqartippaa. Tamatumunnga pissutaavoq suliap erseqqinnerusumik misissorneqar-nissanut kommunip sulisunik amigaateqarsimanera, tassani kommunimi siusinneru-sukkat pisortaasimasut inatsisunik saneqqutaarisimanerat pissutigalugu suliasat kommunip suliarissallugit pisinnaasai sinnersimaqimmatigit.

Tamanna ajornarsimangitsuuppat kommunip siusinnerukkut aqutsisimanera oqartussaasumit arlaannaannulluunniit attuumassuteqanngitsumit misissorneqarsi-masariaqaraluarpoq, soorlu Puisi Nanortalimmiittoq taamatut misissuiffiqineqarsi-masooq.

Taamaattorli kommuni tamatumunnga taarsiullugu siumut isiginiarumasimavoq, pereersimasullu tamanna ajornanngikkaangat qaanngiinnartarlugit. Taamaattorli kukkunersiuineq pillugu nalunaarutit kommunip malitseqartitsivigisussaavai, sulia-milu matumani sallaatsumik taamaaliorartorsimavoq, tamannali ajornavissoq paasi-narsisimalluni.

Naggasiullugu oqaatigineqassaaq kommuni A-mut arlaleriarluni saaffiginnittarsi-magaluarmat suliaq pillugu isumaqatigiissuteqarfiusinnaasumik ataatsimeeqatigini-arlugu, kisianni A ataatsimiinnerni taakkunani kukkunersiuusut kommunaldirektøril-luunniit peqataaffigisaanni peqataajumasarsimangilaq.

Suliami A-mut tunngasumi allagaatit kommunip matumunnga ilanngulugit nassi-uppai.” (Atorfeqarfimmi nutsigaavoq.)

A kommunip uannut akissutaa pillugu oqaaseqateqarnissaanut 28. ja-nuar 2002-mi periarfissippara.

Tamatumunnga peqatigitillugu kommunimut imatut allappunga:

”Kommunip suliaq pillugu nassuiaataa suliarlu allagaatinik A-mut tunngasunik imalik misissugassara 23. januar 2002-mi tiguakka.

Tamatumunnga atatillugu kommunip nassuiaataata ilanngussartallip assiliner A-mut nassiuppara, A kommunip nassuiaata pillugu oqaaseqateqarnissaminut periar-fissaqarsinnaaqullugu.

Kommunip allakkamini nassuiaammik nassitsissummini oqaatigaa kommunip Ombudsmandi suliaq pillugu ataatsimeeqatiginissaa kissaatigigaa, tamanna sulia-mut kommunaldirektøriusimasup X-ip aallartissimasaanut ataqatigiinneqartoq kom-munip isumaqarnera tunngavigalugu.

Paasissutissanik kommunip inunnut ataasiakkaanut ingerlatseqqissimanera pil-lugu kommunaldirektøriusimasup Ombudsmandimut naammagittaalliuutaa kom-munip innersuussutigigaa naatsorsuutigaara.

Ilisimatitsissutitut oqaatigaara suliaq taanna immikkut suliarineqarmat, naamma-gittaalliuullu pissutigalugu misissuineramik aallartitsisoqassanersoq Ombudsmandi aalajangereerpat kommuni tamanna pillugu ilisimatinneqarumaarpoq.

Tulliullugu oqaatigaara Ombudmandip kommuni ataatsimeeqatigerusussinnaa-gaa, A-p naammagittaalliuutaanut kommunip oqaloqatigiissutigissallugu kissaatigi-saanut atatillugu nalornissutaasunik apeqqutissaqarpat.

Taamaattorli apeqqutit suut taamatut ataatsimiinnermi qulaajarneqarnissaanik kommunip kissaateqarnerata kommunimit siumoortumik erseqqissarneqarnissaa pi-sariaqartuussaaq.

Aammattaq Ombudsmandi isumaqarpoq paasissutissat naliliinerilluunniit suli-assanik suliarinninnermi tunngaviit nalinginnaasut malillugit Ombudsmandip sulia-

mik suliarinninneranut ilaatillugit A-mut oqaaseqaateqarfigitissallugit pisussaaffigisassaasa oqaluuserineqarnissaat siunertaralugu ataatsiimmeq naleqquttuunngitsoq.

Paasissutissat naliliinerillu taamaattut kommunip allakkatigut saqqummiuttariaqarpai.

Aammattaaq naammagittaalliutit qanoq iliuseqarnissamut pissutissaqalersitsineranik Ombudsmandi paasinninnermi oqaluuserineqarnissaa siunertaralugu ataatsimeeqateqarsinnaanngilaq, tassami oqartussaasup Ombudmandimit misissuiffigineqartup suliamik paasinninnera Ombudsmandip suliamik suliarinninneranut suliamillu paasinninneranut qilersuisuunngimmat.

Kommunip A-mut allakkani pillugit nassuiaammini allakkani immikkoortoq una pillugu nassuiaaqqusininnik nalornisoorteqarnini kommunip aamma oqaatigisimavaa:

“Naggasiullugu malugeqqunngitsuussanngilara suliasaqarfinni pingaarutilinni Namminersornerullutik Oqartussat isumaqatigiissutitigut inatsisitigullu tunngavigisannik aamma sumiginnaasimanerit uanga uppernarsarsinnaagakku.

Tamatuma kommunip aningaasatigut annertuumik annaasaqarnera kingunerisimavaa.” (Atorfeqarfimmi nutsigaavoq.)

Kommunip A-mut allagaani immikkoortumut issuarneqartumut atatillugu misisuinera ilaatigut kommunip issuarneqartutut allannissaanut pissutissaqarsimaneranik apeqqummut, ilaatigullu oqaasertalersuinerup ingerlatsinermi ileqqorissaarnissamik piumasqaataasup ilumut eqqortinneqarsimaneranik apeqqummut tunngassuteqarpoq.

Ingerlatsinermi ileqqoorissaarnermut ilaavoq oqartussaasut innuttaasunut attaveqarnermini ataqqinnittumik mianerinnittumillu pissusilersortarnissaat, taamatutaarlu oqartussaasut oqaatsinik atuinermi sapisngisamik erseqqissuliortarnissaat, taamaaliornikkut pissutsit suut oqartussaasunit innersuussutigineqarnerinik innuttaasut nalornisuulersinneqannginnissaat anguniarlugu.

Taamaattumik pissutsit suut immikkoortumi issuarneqartumi tunngaviusunersut nassuiaqqullugit kommunimut qinnutigisara matumuuna nangeqqippara.”

Kommunip uannut akissutaa pillugu A-p oqaaseqaatai imaattut 20. februar 2002-mi tiguakka:

”...

Oqaaseqaatikka paasiuminartuutinniarlugit kommunip nassuiaataani immikkoortoq oqaaseqaateqarfigiumasara isaasalerlugu uingasunik allallugu issuartarpara, tamatumalu kingorna taanna pillugu oqaaseqaatikka allattarlugit. Tamanna kommunip nassuiaataani immikkoortut ilaat eqqarsaatigalugit allakkanni 11. oktober 2001-imeersuni apeqqutit sorliit kommunip akisimanerai paasiuminaatsittarakku.

”*Tamatumunnga peqatigitillugu oqaatigineqassaaq isumaqatigiissut inatsisinik unioqqutitsisoq taassuma nammineq kommunaldirektørimut 2000-imi novemberimi isumaqatigiissutigierisimagaluarmagu. (Kommunaldirektørip A-mut allagai 1. november 2000-imeersut suliamiippu). Tamatumunnga atatillugu taamani borgmesteriusumut naammagittaalliorsimavoq, kommunaldirektørilu aalajangersakkanik ingasattajaaraluni malinninniartutut (paragrafrytter) taasimallugu.*” (Atorfeqarfimmi nutsigaavoq.)

Ilumoorpoq kommunip allaffeqarfianut matuersaatini 1. november 2001-imi tunniussinermut atatillugu sulisinnaassusera kommunimut neqeroortigisimagakku, kommunip uannut allagaani 2. november 2001-imeersunit issuarneqartutut. Aamma ilumoorpoq kommunaldirektør D ullaq taanna oqaloqatigereerlugu taamanikkut borgmesteriusoq ”kusanartumik inuulluaqqumallugu” oqaloqatigisimagakku, o-

qaloqatigiinnermilu tassani nalunaarutigalugu neqeroorutiga tamatumunngalu atatil-lugu piumasagaatikka kommunaldirektør D-p akueriumasimanngikkai, tassami taa-maaliorneq isumaqarami taamaaliorneq malittarisassanut atuuttunut assortuuttuu-soq. Aalajangersakkanik ingasattajaaraluni malinninniartoq (paragrafrytter) atorer-lugu eqqaamanngilara, immaqali suunngitsunik allaat ilanngussuisartoq (pernitten-gryn) atorsimassavara.

Tamatuma kingorna suliap nammineq misissornissaanut pissutissaqarlunga isu-maqarsimavunga, tamatumanilu paasisakka ilanngussaq 1-imiittut innersuussutigis-sallugit. Ombudsmandip 2000-imi ukiumoortumik nalunaarutaa pillugu aviisitigut allaaserisanik atuarninnut atatillugu Namminersornerullutik Oqartussat allaffissor-nikkut aqutsinermi malittarisassaliaasa, kaajallaasitaliaasa il.il. inatsisitigut tunnga-vissaqarnerannik Ombudsmandip nammineerluni misissuinerani inerniliussaq uan-ga inerniliussannut naapertuuttoq isumaqarpunga.

"Aningaasat amerlassusiat ilanngussami kukkunerisuiusut nalunaarutaannut nr. ...-imut ilanngullugu nassiunneqartumi taaneqarsimavoq. A-p nalunngilluinnarppaa sulinerunini ilanngussami tassani allaaserineqarsimasut." (Atorfeqarfimmi nutsigaavoq.)

Kommunimi ukiorpassuarni sulininni kukkunerisuiusut nalunaarutaat ilanngussar-tallit takusarsimagakkit aamma nalunngilara kukkunerisuiusut K Kommunip atorfe-qartitaasa kukkernerisuiueq pillugu nalunaarutaat tamatigut kommunimut allakkia-mik ilaqartinneqartartoq suliap allattorsimaffiannik imaqartumik, tassanilu suliap inunnut ataasiakkaanut tunngasut kukkunerisuiusut misissorsimasaat aqqisigut taane-qartartut. Suliap allattorsimaffiat taanna tamanut saqqummiunneqartannigutsoq ilaati-gut kommunalbestyrelsip aqutsisoqarfiullu taakkunani suliallu suliareqqinneqarne-rani atugassaavoq, taamaalilluni innuttaasoq atorfeqartitaasorluunniit eqqoqqissaar-tumik unneqqarissumillu ilisimatinneqartarluni suliap pineqartumut tunngasoq mi-sissorneqarsimasoq. Tamanna atorfeqartitaaneq, innuttaaneq imaluunniit sulisutut suliffimmit soraarsimaneq apeqqutaatinnagu atuuppoq.

"A Kommunit Kukkunerisuiusini kukkunerisuiusut pisortaannit R-imit siusinneru-sukkat oqarfigineqarsimavoq kommunaldirektøriugallartutut akissarsiaqaatigaluni sulinerunermut aningaasarsiaqarsinnaanngitsoq. Tamanna kommunaldirektøriu-gallartutut atugassarisai pillugit oqaloqatigiinnermut atatillugu pisimavoq. A suk-kulluunniit tamakkuninnga ilisimasaqarsimanngitsututut imminut isigisinnaasiman-gnilaq." (Atorfeqarfimmi nutsigaavoq)

Iluoorpoq siusinnerusukkat kommunaldirektøriusimasoq X pillugu taamanik-kut kommunalbestyrelsiusup 1999-imi ukiakkut aalajangerneranut paatsiveerusi-maartumut atatillugu 1999-mi ukiakkut Danmarkimi sulinngiffeqarnera unitseqqul-lugu peqquneqarninni Danmarkimiit Kalaallilu Nunaannut uternerma kingorna kukkunerisuiusut pisortaat R, Kommuninik Nakkutilliisoqarfimmi allaffiup pisortaa ... kiisalu KANUKOKA-p direktøria kommunalbestyrelsip sulinermi atugassaritaa-sumik ajornarluinnartunik uannut atugassiisimaneq pillugu oqarasuaatikkut arlale-riarlunga oqaloqatigisarsimagakkit. Kisianni kukkunerisuiusut pisortaata R-ip issuar-neqarsimasutut uannut oqarsimaneq eqqaamanngilara. Taamatut oqarsimappat su-linngiffeqarninni uteqquneqarninnit kommunalbestyrelsip kommunaldirektøriugal-lartussamik atorfinitsitsinerata tungaanut allakkiasarsimasaanik nassiunneqarsima-sunik paasitinneqarnissara qinnutigissavara. Taakkumi uannut saqqummiunneqarsi-manngisaannarput. Ilanngussatut 2-tut nassiuppakka KANUKOKA-p Danmarkimi Kommunernes Landsforeningimut pisimasut paatsiveerusiamaarnartut qulaani taane-qartut pillugit allagaasa 16. december 1999-imeersut assilineri.

"Taamatuttaaq akissarsiatut tunniunneqartut atorfeqartitaasut tusarniaavigeq-qaarnagit aqqiivigineqartarneri nalinginnaasuupput. Matumani allaassutaasoq tassaavoq A-p soraarsimaneq." (Atorfeqarfimmi nutsigaavoq.)

Ila ukorsiiiaa!!! Kommuni kukkussuteqarsimappat atorfeqartitaasoq paasinninera malillugu tamatigut tusarniaavigineqartussavoq/ ilisimatineqartussavoq/ paasitineqartussavoq kukkuneq qanoq iliorluni aaqqinniarneqarnersoq.

"Inatsisitigut malittarisassat eqqartorneqartut tassaapput tjenestemandit pillugit inatsimmi sulinerunermi aningaasarsiat tunniunneqartarnerat pillugu malittarisassat. Malittarisassat taakku A-p nalunngilai. Tamanna innersuussuteqannginneranut ilaatigut pissutaavoq. Malittarisassat taakku A-mut kingusinnerusukkut nassiunneqarsimapput, puiguisimanerani ajornanngippat eqqaaseqqinniarlugu." (Atorfeqarfimmi nutsigaavoq.)

Matumani uannut erseqqilluinnarpoq piffissat suliffiusartut, tjenestemandit atorfeqartitaasut lønrammi aalajangersimasoq ataallugu qulaallugulu 1. april 1991 siqqullugu tamatumalu kingorna sulinerunermut aningaasarsiaqartitaanerat pillugit tjenestemandit kattuffiisa sulisitsisullu isumaqatigiissutaanni malittarisassat allarpasuillu kommunip puigorluinnarsimagai, piaaraluniluunniit isummerfiginaveersaarai. Aammattaaq oqaatigisinnaavara kommunimi pisortatut atorfilittatut allatulli – kommunip aqutsisoqarfiani piffissani nikerartuni sulisarneq piffissallu suliffiusartut pillugit isumaqatigiissutini tapeqartinneqartuni suleqatigiinneq pillugu ataatsimiititaliamit kommunalbestyrelsimillu akuerisaasuni pineqartunut ilaatinneqarama - taamaattumillu piffissaq uagut suliffigisassarput nammineq aqqqissuussinnaanngikkippat. Tassalu aningaasaqarnermut pisortatut sulinera nakkutigineqarpoq, kommunaldirektøriugallartutut sulissagaangama.

"A-p nuliata A-mut sinniisuusinnaatitaanera eqqarsaatigalugu taanna inassuteqaataavoq, peqqussutaanani. Tamatumunnga pissutaasoq tassaavoq ... 5. septemberimi kommunaldirektørimut puffassimaarlunilu kamattorujussuunera, isiginnittut takkuanni. Pisup tamatuma kingorna ...-mik oqaloqaternermi imaqarniliaq ilanngussatut 3-tut nassiunneqarpoq." (Atorfeqarfimmi nutsigaavoq)

Ombudsmandimut ilisimatitsissutitut isumaqarpunga tulluurtuusoq uanga nuliama 5. september 2001-imi kommunimut tunniussimasatta assilineri ilanngullugit nassiukkukkit. Ilanngussaq 3 takuuk.

"Pissutsit suliamut annertuumik pingaaruteqarsimammata, suliallu isertuussasaanera A-p nalunngimmagu kommuni isumaqarluinnarpoq A tassaasoq nipangiussisussaataaneramik atornerluisoq. Taamaalilluni allakkat taakku siusinnerusukkut direktøriusimasumut takutillugillu oqaloqatiginnissutigisimavai, naak suliaq nipangiussisussaataanerminut ilaasoq nalunngikkaluarlugu. Tamanna A-p tungaanit pimoorullugu iliuusaasoq kommunip qularutiginnilaa.

Suliaasimasoq taanna A-p tamakkiisumik ilisimasaqarfigaa, taamanimi atorfeqartitaagami. Taamaattoqarnera suliamut sakkortunerusumik sunniuteqarmat pissutsit taamaannerat soorunami innersuussutigineqarpoq. Tjenestemandit pillugit inatsimmi § 11, imm. 2 aamma innersuussutigineqarpoq." (Atorfeqarfimmi nutsigaavoq)

Kommunip nassuiaammimi tjenestemandit pillugit inatsimmi § 11, imm. 2 innersuussutigaa. Isumaqarpunga taanna imaattunik oqaasertaqartoq:

"11, imm. 2. Tamanna peqatigalugu tjenestemandi nalunaarfigineqassaaq akissaatit killissat suut najoqqutaralugit maanna akissaaserneqassasoq, atorfilittullu sulinissamini suna suliffigigallassagaa."

Tamanna suliamut sukkut attuumassuteqarami?

Kommunip tassunga taarsiullugu tjenestemandit pillugit inatsimmi § 12, imm. 2 ataani issuarneqartoq innersuussutiginiarsimaguniuk:

"12, imm. 2. Tjenestemandi nipangiussisussaavoq pissutsinik atorfimmini ilisimalkaminik pissutsimikkullu isertuussaasariaqartunik taamatulluunniit inassutigineqartunik. Nipangersimasussaaneq taanna atorfimmitt tunuarneratigut atorunnaassanngilaq."

Taava innuttaasup siusinnerusukkulluunniit atorfeqartitaasup allakkanik il.il. innuttaasumut siusinnerusukkulluunniit atorfeqartitaasumut toqqaannartumik pisortat nassiussimasaannik inummut allamut ingerlatseqqinnermigut nipangiussisussaati-taanermik unioqutitsisineri kommunip eqqartuussutikkut aalajangiiffigitinniartus-savaa.

Siusinnerusukkut suliaq kommunip oqaatigisaa eqqarsaatigalugu taanna
"...-p atorfinitsitaanerani allakkiaq"-mi suliarineqarpoq."

Eqqaamavara atorfinitsitsineq pillugu suliaq ingerlanneqartoq, inuk pineqartoq pillugu taassuma pisortani siusinnerusukkut atorfeqartitaasimanera kommunimilu suliat pineqartup ingerlatassai tunngavigalugit formanditut akissaateqarnikkut inis-sinneqarmissaata teknikkeqarnermut, ineqarnermut avatangiisinullu ingerlatsiviup aamma taamanikkut sulisoqarnermut pisortap suliap suliarineqarneranut il.il. akisus-saasut assortuunnerisigut. Atorfinitsitsineri allakkiamik sulisoqarnermut pisorta-qeqatigalugu atsiuisuusimanera atsiortarneq pillugu malittarisassanut atuuttunut at-tuumassuteqarpoq, tassalu atorfinitsitsineri allakkiaq tamatigut borgmesterimit kommunaldirektørimilluunniit atsiorneqartassasut.

"...-mut § malillugu amerlavallaanik tapisititsineq (Ilanngussaq 1-imi allaaseri-neqarpoq)

Suliaq ...-p tapisiaqarneranut tunngasooq

A-p suliniuteqarneratigut inatsisitigut tunngavissaqarnani 40.000 kr.-nik tunni-ussineq. (Ilanngussaq 1)" (Atorfeqarfimmi nutsigaavoq.)

Teknikkeqarnermut, ineqarnermut avatangiisinullu ingerlatsivimmi ingerlatsi-nermi ingeniøritut atorfiup akissaateqarnikkut inissinneqarnera pillugu suliaq siusin-nerusukkut kommunaldirektøriusumit 1998/1999-imi isumaqatigiinniarnerni illua'-tungiusunut saqqummiunneqarsimavoq. Suliap KANUKOKA-mi Sulisoqarnermul-lu Pisortaqarfimmi arreeqisumik suliarinninnerup kingorna suliaq kommunaldirek-tøriugallartutut allaffinni nerriviup qaanut ilineqarpoq, aningaasaqarnermut a-taatsimiititaliap ataatsimiinnerani 12/99-imi imaqarniliani allaaserineqartutut, a-taatsimiititaliarlu aalajangiivoq pineqartorlu taanna malillugu akissarsiamigut aaq-qiivigineqarluni, KANUKOKA-llu nalunaaruteqarnerata kingorna ingerlatsineri ingeniøritut atorfiup inuttassarsiunneqarnerani allagarsiussaq nutaaq suliarineqar-poq, tassami ... soraarmat. Teknikerit pillugit isumaqatigiisummi suliaritoqquneqa-ratarsinnaanermut pisussaaffik sinnerlugu sulinerunermut aningaasarsiat eqqarsaati-galugit taakku isumaqatigiisutini erseqqissorujussuarmik allaaserineqarsimapput.

"Sulisunik pisortaaqallartunngortitsineq

Mail 11. juni 1998-imeersoq innersuussutigineqarpoq." (Atorfeqarfimmi nutsi-gaavoq.)

E-mailimit erseqqilluinnartumik erserpoq taanna pisortaaqallartunngortitsineq sulisumut alliune-rusumut ilisimatitsissutaasoq, tassanilu pisortaaqallartunngortitsineq piffissani sivisunerusumi aqutsi-nikkut ajornartorsiutaasumut aaqqiissutissaq pereersunik misigeriikkanillu tunnga-veqartoq aalajangerlugu.

"Sulisut atorfiisa inissinneqarnerinik KANUKOKA-mut saqqummiusseqqaar-nani allannngortitsineq

Kommunaldirektørip nassuiaataa innersuussutigineqarpoq (Ilanngussaq 1)." (Atorfeqarfimmi nutsigaavoq.)

Ilanngussara 2 innersuussutigaa, tassanilu akileraartarnermut immikkoortorta-qarfiup akiliisitsiniarnermullu immikkoortortaqarfiup allannngortiterneqarnerat il.il. pillugit aalajangiinerit kiisalu KANUKOKA-p suliami tassani nassiussai pillugu eq-qamasakka tunngavigalugit oqaatigiinnassavara KANUKOKA allaasumik isuma-qarmat.

"...-p inuussutissarsiornermik siunertaqartumik attartorneq (tapiissutit) pillugu nalunaaruteqarneq.

Kommunaldirektörin nassuiaataa innersuussutigineqarpoq (Ilanngussaq 1) suliaq allaqqinneqarneranut.” (Atorfeqarfimmi nutsigaavoq.)

Suliaq taanna uanga attumassuteqarfiginngisaannarsimavara. ...-p attartugaq februar 2001-imi tiguua, tassa 1. november 2000-imi soraarninngornerma kingorna qaammatit pingasut qaangiuttut. Ineqarnermut ingerlatsivimmi taamanikkut pisortaasumut oqaasiinnartigut attaveqarninni uannut oqaatigineqarpoq suliamik suliarinnee teknikkeqarnermut, ineqarnermut avatangiisinullu ingerlatsivimmit suliarineqarsimasoq, allakkallu nassiunneqartut uannit atsiorneqarsimanngitsut. ...-p attartornermut isumaqatigiissutip atsiorneqarsimasup assilineru uannut 20. februar 2002-imi uannut tunniuppaa, taannalu ilanngussatut 4-tut nassiunneqarpoq.

”Naggasiullugu oqaatigineqassaaq kommuni A-mut arlaleriarluni saaffiginnitarsimagaluarmat suliaq pillugu isumaqatigiissuteqarfusinnaasumik ataatsimeeqatiginarlugu, kisianni A ataatsimiinnerni taakkunani kukkunerisuiusut kommunaldirektörilluunniit peqataaffigisaanni peqataajumasarsimanngilaq.” (Atorfeqarfimmi nutsigaavoq.)

Matumani piomasaaqatit suut piomasaaqatigalugit ataatsimiinnermi peqataajumanera pillugu kommunimut allakkakka/E-mailikka innersuussutigissavakka. Kommuni katillugit pingasoriarluni allassimavoq, kommunillu uannut E-mailianut 22. juni 2001-imeersumik qisuariaatinnik takkuttoqanngisaannarsimavoq. ...” (Atorfeqarfimmi nutsigaavoq.)

Kommunimut 26. februar 2002-mi imatut allappunga:

”Kommunip 13. januar 2002-imi uannut allagaanut, suliamut nassuiaammik ilaqartinneqartunut, A-p oqaaseqaatai 20. februar 2002-imi faxikkut tiguakka.

Tamatumunnga atatillugu A-p uannut allagaasa assilinerat ilannguppara.

A-p allagai suliaq ilassutaasumik oqaaseqarfiginissaanut kommunimut pissutisaqartilissagaluarpata, taakku ullumimiit sapaatip akunneri sisamat qaangiutsinnagit uannut nalunaarutigeqquneqarput.

Tamatumunnga atatillugu kommunimit tusagaqanngikkuma, naatsorsutigineqartariaqassaaq Ombudsmandip paasissutissat pigineqartut tunngavigavigalugit suliaq isummerfigissagaa.

Tamatumunnga peqatigitillugu 28. januar 2002-imi allakkama, 27. september 2001-imi A-mut allakkani oqaaseqatigiit nassuiaateqarfigeqqullugit qinnutigisannik uteqqiiffigisama, akineqarnissaat eqqaasitsissutigaaara.

Allakkat ukua assilinerinik A eqqartuussissuserisualu nassippakka.”

Kommunip allagai imaattut 18. april 2002-mi tiguakka:

”A-p akissutitut allagaasa misissornissaannut kommuni massakkut periarfissaqareersimalerpoq.

Kommuni suliaq pillugu oqaaseqaateqarusuppoq, tassami A-p suliaq pingaaruteqartutigut eqqunngitsumik oqaluttuarisimmaguu.

Kommunip suliaq pillugu akissuteqannginnerani suliaq A-mut tunngasoq utertillugu nassiunneqassasoq kissaatigaa, tassami suliaq A-p oqaaseqaataanut akissuteqarnerminut atatillugu atussammaguu.

Suliaq allaffissinnut nassiunneqannginnerani suliami allagaatit kommunip assilimanngilai.” (Atorfeqarfimmi nutsigaavoq.)

Kommunip akissutaa imaattoq 3. juni 2002-imi tiguara:

”Aallaqqaasiullugu allakkani, tak. allakkasi 29. april 2002-imeersut, kommunip annasai pillugit oqaatigineqartut kommunip akissavai.

Tamatumunnga atatillugu allagaatit siusinnerusukkut nassiunneqarsimasut kommunip innersuussutigissavai.

Kommunip ilaatigut suliat makku innersuussutigissavai:

... (Annaasat qaammammut 6.000-it missaat)

... (Annaasat 40.000-it missaat)

... (Annaasat 43.000-it missaat)

Inatsisit unioqutillugit inuussutissarsiutinut siunertaq (Annaasat 288.000-it missaat)

Annertunerusumik uppernarsaasersuisoqarnissaa kissaatigineqarpat tamanna kukkunersiuisut aqutugalugit pisinnaavoq. Tamanna kissaatigineqarpat Ombudsmandip tamanna pillugu kissaatigisaa kommunimut sapinngisamik piaarnerpaamik nassiteqquneqarpoq, tassami kukkunersiuisut 2002-mi junip qiteqqunnerani K-p illoqarfianiittussaammata.

A-p allagai pillugit oqaaseqaatit.

Aallaqqaasiullugu A-p qanoq iliorluni ilumoortumik allanngortiteriniarlunilu allamat saatitsiniarnera kommunip uppernarsaasersussavaa.

Uppernarsaasiussa qanoq taanna tassaavoq K Kommunip aamma ...-p attartorneq pillugu isumaqatigissutaat (Ilanngussaq) kiisalu ...-mut allakkat 22. november 1999-imeersut (Ilanngussaq 2). Attartorneq pillugu isumaqatigissutip taassuma isumaqatigissutigineqarneranut atatillugu pineqartoq ukiuni marlunni siullerni ineqarnermut akiliissanngitsoq A-p aningaasaqarnermut ataatsimiititaliamut inassuteqaatigaa. A-p inassuteqaataa aningaasaqarnermut ataatsimiititaliap akueraa. Tamanna pivog naak attartortoq pineqartoq kommunimut taamani aningaasarpassuarnik akiitsoqaraluartoq.

Taamatut iliuuseqarnermi kommunip ”annasai” ineqarnermut akiliutitigut isertitaqanngitsoornikkut 288.000-inik aningaasaqartarput. Taamatuttaaq tapiissutit ingerlatsinermit tapiissutit tunniunneqarsimammata tamanna inuussutissarsiutinut tapersiisarneq pillugu malittarisassat atuuttut malillugit inatsisinik unioqutitsineruvoq. Tamannalu inuussutissarsiornikkut akuuneq pillugu nunap iluani pissutsit pillugit allaffimmut nalunaaruteqartoqarsimannginneranut immaqqa tunuliaqutaavoq.

A-p allagai eqqarsaatigalugit kommuni immikkoortut ataasiakkaat pillugit naatsunik oqaaseqaateqarumasimavoq. Tamanna suliamut A-mut atatillugu suliamik suliarinninnermut saniullugu ulluinnarni suliasanik kommunip pingaarnerutitsiumanerusimaneranik pissuteqarneruvoq. Assersuutitut kukkunersiuisut nalunaarusaat ilanngullugu nassiunneqartoq innersuussutigineqarpoq. Suliat immikkoortuq 5-imi taaneqartut tassaapput suliat kukkunersiuisut qulliunerpaatut pisortaaq suliniuteqarnerisigut saqqummiussimasat. ”Kukkunertut” allaaserineqartut amerlanersaat A-p suliasaqarfimmut tassunga akisussaasuunerata nalaaneersuupput. Ilaatigut suliaq 16 tassaavoq ... pillugu suliaq siusinnerusukkut eqqartorneqarsimasoq. Tikearraaneq pillugu nalunaarusaq ilanngussatut 3-tut nassiunneqarpoq.

Immikkoortut ataasiakkaat pillugit oqaaseqaatit:

Immikkoortuq 1.

Inatsisit malittarisassallu Kalaallit Nunaannut atuuttut qularutigissallugit A-p ileqqoriinnarsimagunarpaa.

Immikkoortuq 2.

A tassatuaavoq kommunaldirektøriugallarsimasoq. Suliami tamannarpiq pineqarmat imminut ilisarinnasasooq kommunip naatsorsuutigisimavaa.

Immikkoortuq 3.

Kommunip kukkunerisuisuisa oqaaseqaasiornissaat kommunip sulissutiginiarpaa. Oqaaseqaat Ombudsmandimut nassiunneqarumaarpoq.

Immikkoortoq 4.

Oqaaseqaateqarfigineqassanngilaq (Piffissartornarpallaassaaq)

Immikkoortoq 5.

Malittarisssat nalunngikkunigit A akisussaaffimmik tigusiumannngissinnaava?

Immikkoortoq 6.

A-p inatsisinik unioqqutitsilluni sulineruneranut aningaasarsisinneqannginneranut ... susasaqarnerseq kommunip paasisinnaanngilaa. Immikkoortoq taanna suliamut soq ilanngunneqarsimanerseq Ombudsmandip tunngavilersorusuppaa?

Immikkoortoq 7.

X-ip (kommunaldirektørip A-llu suleqataata atorfimminik atonerluisimanini pisutigalugu soraarsitaasup) kommunaldirektøri politiinut unnerluutigisimavaa, A-p imminnut saaffiginninnera tunngavigalugu. Tamanna suliaasaappat eqqartuussiviit tamanna aalajangiivigissagaat kommunip naatsorsuutigaa.

Immikkoortoq 8.

Akissaatitigut kukkusumik inissiiernerut A akisussaajumannngissinnaanngilaq.

Immikkoortoq 9.

Illumoortoq A-p allanngorteqqippaa.

Suliami tassani immikkoortut pingasut pingaartut ilaapput.

1. Suliaq A-p aningaasaqarnermut ataatsimiititaliamut saqqummiummagu suliaq taanna KANUKOKA-mit akuerisaanngilaq.

2. Aningaasaqarnermut ataatsimiititaliap ataatsimiinnerata kingorna A imaqarniliamut ilassuteqarpoq, allallunilu suliaq suli akuerineqarsimanngitsoq.

3. A-p sulisoq nutaaq atugassarititaasut suli akuerisaanngitsut tunngavigalugit atorfinitsippaa.

Immikkoortoq 10.

A akisussaaffimmik tigusiumanneqqippooq. Kommunip paasinninnera malillugu atorfilittatut pisussaaffeqarpoq inatsisinik unioqqutitsinerit qinikkanut malugeqqusallugit.

Immikkoortoq 11.

A-p eqqaamannissinnaasusia pingaaruteqartutigit ajalusoortoq kommunip oqaatigisariaqarppaa. Ilanngussaq 2 tassaavoq kommunimi pissutsinik arlalinnik ataatsimut allaaserinnineq, tasaanani akissaatitigut inissiiernerik akuersissut.

Immikkoortoq 12.

Ilanngussaq aamma 2 innersuussutigineqarput.

Immikkoortoq 13.

Oqaaseqaateqarfigineqassanngilaq, tassani taamaallaat illua'tungeriit imminnut pasilleqattaannerat kisimi pineqalissammat.

Taama naatsigisumik akissuteqarneq kommunip ajuusaarutigaa, neriutigaluguli paasissutissat pisariaqarnerpaat Ombudsmandip pissarsiarisimassagai.

Ombudsmandi qinnuigineqarpoq suliap aalajangiivigineqannginnerani kukkunerisuiusut pisortaata R-p oqartussaasulluunniit allap oqaaseqaataasa pissaarsiarineqarnissaat pisariaqartutut isiginerini nalunaarutigeqqullugu." (Atorfeqarfimmi nut-sigaavoq.)

Allakkatigut 12. juni 2002-meersutigut A kommunip akissutaa kingulleq pillugu oqaaseqaateqarnissaanut periarfissippara.

Tamatumunnga peqatigitillugu kommunimut imatut allappunga:

”A-p tusarniaanermut suliami peqataasutut 20. februar 2002-mi akissutaanut kommunip 31. maj 2002-mi allakkatigut oqaaseqaatai 3. juni 2002-mi tiguakka.

A kommunip kingullermik akissutaanut oqaaseqarnissamut periarfississimavara. Tamatuma kingorna ilimagaara suliami misissuinikka naammassisinnaassallugit.

Kommunillu 31. maj 2002-mi allakkani arlaqartunik apeqquteqarfigaanga imatut akisinnaasannik:

Kommunip paaserusuppaa suliami atugassamik kommunip kukkunersiuisuanit oqartussaasunilluunniit allanit uppernarsaatilik oqaaseqaatinilluunniit tigusaqarnissara kissaatigineriga.

Ilimagaara tamanna pisariaqassanngitsoq.

Tassunga atatillugu oqaatigissavara kommunip utertitsinissamut piumasaqaataa tunngavissaqarnersoq isummerfigissallugu misissuinerma avataaniittoq.

Kommunip A-mit aningaasat utertinneqarnissaannik aalajangernerani ingerlatsinermut malittarisassanik malinnissimanersoq taamaallaat misissuiffigaara.

Tulliullugu kommunip paasisitsissutigaa kommunip kukkunersiuisuisa pisortaat oqaaseqaasiorniartuq uannut nassiunneqartussamik.

Tamatumunnga oqaatigissavara, oqaatigineqareersutut, kommunip utertitsinissamik piumasaqarnera tunngavissaqarnersoq isummerfigissallugu suliasama avataaniippoq.

Kommunilli kukkunersiuisup oqaaseqaataanik nassikkusuinnassappanga, oqaatigissavara oqaaseqaat taanna suliamik naliliininni ilaatinneqarnissaa ilimagineqarsinnaanngitsoq.

Tulliullugu kommunip paaserusuppaa misissuininni ...-p suliami peqataasutut A-mut sinniisuusinnaaneranut apeqqut ilanngussimaneriga.

Ilisimatitsissutitut oqaatigisinnaavara A-p naammagittaalliuuteqarnermini allakkanut kommunip apeqqummut oqaaseqaateqarfisimasaanut innersuussuteqarfisimagaanga.

Aammalu suliami peqataasutut sinniiseqartarnek innuttaasut tunngaviusumik pinsinnaatitaaffigaat, pissusissamisoortumik sulininni malinneqarnersoq misissortagasarisara.

Allakkat ukua assilinerannik A nassippara.”

A-p eqqartuussissuserisuata oqarasuaatikkut 23. august 2002-mi nalu-naarfigaanga A oqaaseqaatinik amerlanerusunik uannut nassitseqqikkusunngitsoq.

Tamatuma kingorna imaattunik oqaaseqaateqarsimavunga:

”Kommunip utertitsilluni akileeqqusinerata ataatsimut isigalugu.

Misissuinerma killissalersorneqarnera:

Kommunip suliamik suliarinninneranik misissuinerma kommunip 54.846 kr.-nik A-mut allakkamini 22. maj 2001-imeersuni nassuiagaanik utertitsilluni akileeqqusineranut taamaallaat sammitinneqarsimavoq.

Kommunip suliami A-mut uannullu oqarnera, tassalu kommuni utertillugit akiligassanik taarsigassanilluunniit allanik A-mit pisassaarluni oqarnera misissussallugu tunngavissaqarsimannngilanga, tassami piumasaqaatit amerlanerusut suut kommunip piumasaqaatigilersaernerini A-mut nalu-naarutigisimannngimmagu.

Kommunip utertitsilluni akileeqqusinissamut inatsisitigut tunngavigisaa:

Utertitsilluni akileeqqusinerup piffissani marlunni A-p kommunaldirektøriugallarfigisaani sulinerunermi aningaasarsianut tunngasuunera assortorneqanngilaq.

Naatsorsuutigineqarpoq ingerlatsinermi oqartussaasut akissarsiat assigisaasalu utertillugit akilerneqarnissaannik piumasagaateqarsinnaatitaasut, akissarsiallip amerlanaarlugit tunniussisoqarsimanera ilisimasimappagu, imaluunniit mianersuaalliorujussuarnerinnaq pissutigalugu tamanna pillugu ilisimasaqanngippat.

Utertitsilluni akileeqqusinissamik kommunip aalajangiinera ingerlatsinermik inatsiseqartitsinermi malittarisassat tunngavigalugit aalajangiinervevoq, tassami aalajangiinermut peqatigitillugu A-p sulinerunermut aningaasarsiaqartinneqarnissaannik siusinnerusukkut aalajangiinerit utertinneqarmata atorunnaarsinneqarlutilluunniit.

Tassa imaappoq aalajangiisoqannginnerani kommunip pisassarisaminik misissuinerani ingerlatsinermik inatsiseqartitsinermi nalinginnaasumik piumasagaataasooq eqqortinneqassooq, tassalu aalajangiisoqannginnerani sulianik misissuisussaataaeramik tunngaveqarneq.

Taamaattumik A-mut tunniunneqartut tunniunneqarsinnaasimanersut A-llu taamaattussaanaera ilumut upperisimaneraa misissussallugit kommunimut pisariaqarsimavoq.

Tamatuma kingorna tunniunneqartut tunniunneqarsimasussaannigitsut, A-llu tamanna ilisimasimagaa imaluunniit ilisimasariaqarsimagaluaraa kommuni naliliippat tamatuma immi utertitsilluni (tamakkiisumik) akilinnissamik piumasagaateqarsinnaanera/piumasagaateqartoqartariaqarnera naatsorsuutigilersissinnaanngilaa.

Kommuni annertunerusumik naliliiniartariaqarpoq, pissutsit allat tunniussisimanermut aamma attuumassuteqartut ilanngullugit, matumani tunniunneqarsimasunik annaasaqaataasinnaasunik nammataqassalluni kia qaninnerpaanera, tunniunneqartullu kommunip qaninnerpaatut nammatassai pillugit malittarisassanik kukkusumik paasinninnermik tunngaveqarsinnaaneramik apeqqutit ilanngullugit eqqarsaatigalugit.

Misissuisussaataaeramik tunngaveqarneq:

Misissuisussaataaeramik tunngaveqarnerup paasissutissanik suliap suliarineqarnerani pisariaqartunik pissarsinissamut imaluunniit pissarsiniarnissamut kommunip pissusaaffeqarnera nassataraa.

Tunngavigisaaq taanna innuttaasunut isumannaallisaataavoq, malinneqarneralu aalajangiinerup inatsisinik unioqqutitsisunnginneranut eqqortuuneranullu annertuumik pingaaruteqarluni.

Taamaalilluni misissuisussaataaeramik tunngaveqarnerup siunertaa tassaavoq ingerlatsinermi oqartussaasut aalajangiinerisa paasissutissartalersugaaneramik inatsisinik unioqqutitsisunnginnerisa eqqortuunerisalu qulakkeerneqarnissaat.

Tassani tunngaviuvoq pissutsit suliamut attuumassuteqartut tamarmik paasissutissatigut pigineqartutigut qulaajarneqarsimassasut. Pisoq anner-tuumik pingaaruteqartoq nalornissutigineqarpat nalornissutigineqartup taassuma paasissutissartalersuinikkut qulaajarneqarnissaa tassani ilaa-voq. Aamma paasissutissat oqartussaasunit allanit suliamillu immikkut ili-simasaqartunit pissarsiarineqartut oqartussaasunit pissutsit qanoq ittuo-nerat aalajangiisuutillugu apeqquuserlugit isummerfigineqartariaqarput, suliamik nalilersuinermi imaaliillaannaq tunngaviutinniarnagit.

Taamaattumik aalajangiineq taamaassorinninnernik, tunngavinnik ili-magisanillu uppersaasorsorneqanngitsunik kommunip inatsisunik uni-oqutitsinani tunngavilersorsinnaangilaa.

Pissutsit suliamut tunngassuteqartut tamarmik misissuinermi ilanngun-eqarnissaasa paasissutissanik inunnut ataasiakkaanut illua tungiusunut tapersiisuusunik kommunip misissuinngissinnaanginnera nassataraa.

*A-p sulineruneranut aningaasarsiatut tunniunneqartut tunniunneqarsima-
sussaanginnerat kommunip naammattumik misissorsimavaa?*

*Oqaatigineqarpoq suliaq kommunimit aallartinneqarsimasoq, ilaatigut sulineruner-
mut aningaasarsianik A-mut tunniussisoqarsimasoq kommu-
naldirektørertaap paasisaqarneranut atatillugu.*

*Tamatuma kingorna kommunip Kommunit Kukkuersiuisui qinnuigai A-
mut akissarsiatut tunniunneqartarsimasut kukkuersioqqullugit.*

*Kukkuersiuisuiner-
mi tassani paasisat kukkuersiuisineq pillugu nalunaarummit ...-imi tikeraarnerlu pillugu nalunaarusiamit nr. ...-mit qulaani is-
suarneqartunit erserput.*

*Nalunaarummi nr. ...-imi kukkuersiuisut naliliipput piffissani A-p kom-
munaldirektøriugallartutut suliffiini sulineruner-
mut aningaasarsianik tun-
niussisoqartarsimasoq, tamatumunngalu peqatigitillugu isumaqatigiis-
summit Nal. C-I 2-1-346-mi tamanut saqqummiunneqarsimasumi aalaja-
ngersarneqarluni akissarsiat kommunini pisortanut isumaqatigiissummi
pineqartunut ilaatinneqartunut tunniunneqartut sulinerunernut ullunullu
sulinnigiffiusunut annaasanut aningaasarsiat tamaasa matussuser-
taraat.*

*Tamatatumunnga peqatigitillugu kukkuersiuisut naliliipput piffissat tje-
nestemandit suliffigisartagaat pillugit isumaqatigiissut Nal. C-I-8-1-70-imi
tamanut saqqummiunneqarsimasoq tjenestemandit pisortatut atorfippiaan-
niittut atorfinnilu taakku assigisaanniittut pisuni immikkut ittuni sulineru-
nermut aningaasarsitinneqarnissaannut periarfissamik ammaassisoq, taa-
maattorli ataasiaannartumik tunniunneqartunut, tassalu ingerlaavartuun-
ngitsumik.*

*Taamaattorli tikeraar-
neq pillugu nalunaarusiami nr. ...-mi kukkuersiuisut naliliipput, soorlu nalunaarummi nr. ...-imi taamaaliorsimasut, tike-
raar-
neq pillugu nalunaarusiami kukkuersiuisuinerup immikkut akuerineqar-
nissamik periarfissaq isumaqatigiissutikkut aalajangersarneqartoq pillugu
apeqqut qalleqqissimangikkaa.*

Sulinerunermut aningaasarsianik tunniussisoqartussaanninneranik kukkunersiuisut naliliinerisa aalajangernissamut tunngavigissallugit naammannerannik apeqqutip akineqarnerani kommuninik aqutsineq pillugu inatsimmi kukkunersiuisut suliaasaat pillugit malittarisassat immikkut ittut ilanngunneqarnissaat aamma pisariaqarpoq.

Taamaalilluni kommunalbestyrelsit, nunaqarfinni aqutsisut il.il. pillugit inatsimmi nr. 20-mi 3. november 1994-imeersumi § 46, imm. 2-mit makku erserput:

”Imm. 2. Kukkunersiuiinermi ilanngunneqassapput naatsorsuuserinermut tunngasut kommunalbestyrelsimut attuumassuteqartut tamarmik. Kukkunersiuiinermi misilinneqartassaaq naatsorsuutit eqqortumik takussutissiinersut, iliuusaasimasullu naatsorsuutininik saqqummiinermi ilanngunneqartussat aningaasanut akuersissutaasimasunut, kommunalbestyrelsip aalajangiinerinut allanut, inatsisinut peqqussutinnullu allanut kiisalu isumaqatigiissutaasimasunut periaasitoqqanullu naapertuutuunersut.”

Tassaniippoq kukkunersiuiineq aningaasaqarnermut/naatsorsuuserinermut tunngasuussasooq, kommunillu aalajangiinerini inatsisilerinikkut, aningaasaqarnikkut imalunniit uppernarsaasersuinnikkut tunngaviusut aamma naliliiffigisagaat taakkunanilu kukkunerit uparuarlugit.

Tamatuma nassataraa kukkunersiuiinermi qitiusut, tassalu suliaasaqarfii kukkunersuisut immikkut ilisimasaqarfigisaattut isigineqartut tassaanerat apeqqutit naatsorsuuserinermut tunngasut.

Kukkunersiuisut apeqqutinik inatsiseqartitsinermut pissusiviusunullu tunngasunik naliliineri tassaapput naatsorsuuserinikkut nakkutilliinermut ilaaginnartut, kukkunersiuisullu inatsiseqartitsinikkut uppernarsaasersuinnikkullu naliliinernik immikkut ilisimasalittut isigineqarsinnaanngillat.

Aammattaaq kukkunersiuisut naliliineri kommunalbestyrelsip aqutsineq pillugu inatsimmi § 45, imm. 4 malillugu isummerfigisussaavai. Tassa imaappoq kommunip aningaasaqarnikkut iliuuserisaanut akisussaaffia kommunalbestyrelsimiittoq.

Tamanna qulaanilu kommunalbestyrelsip suliamik immikkut ilisimasalittut naliliinerinik apeqquusiisumik naliliisarnissaannik tunngavik isiginiarlugit isumaqarpunga utertitsilluni akiliinissamik apeqqutip kukkunersiuiinikkut naliliineq misileqqaarnagu kommunip tunngaviutinniarsinnaasimanngikkaa.

Suliami matumani, akissaatitigut inissiisarneq pillugu isumaqatigiissutip piffissat suliffiusartut pillugit isumaqatigiissummi § 22-mut sanilliullugu qanoq paasineqarnissaanik nalorninartoqarneranik kukkunersiuisut tikkuaaffigisaanni A-p utertitsilluni akileeqquneqarnissaanik aalajangiinnginnermi apeqqutip taassuma qulaajarnissaanut kommuni pisussaaffeqarsimavoq.

Kukkunersiuisut ingerlaavartumik tunniussisarnerup paarlattuanik a-taasiaannartumik aningaasarsisitsisarneq pillugu oqaaseqaataat tamatu-

munnga peqatigitillugit apeqquusiisumik naliliiffigineqarsimasariaqaraluarput, matumani piffissat suliffiusartut pillugit isumaqatigiisummi § 24 kiisalu ingerlatsinermik inatsiseqartitsinermi immikkut akuersissuteqarnissamut suliamut attuumassuteqartumik tunngavissaqarpat innuttaasunut akuersaartumik inatsisitigut tunngavissaligaanngikkarluartumik immikkut akuersissuteqartoqarsinnaaneramik tunngavik aallaavigalugit.

Ataatsimut eqqikkaallunga isumaqarpunga A-mut tunniussisimanerit inatsisitigut tunngavigisaannik kommunip misissuina amigarsimasoq, tamannalu isorisariaqartuuvoq.

Tunniussinerit tunniunneqartussaannginnerat A-p ilisimasigaa ilisimasariaqarsimagaluaraluunniit kommunip tunngaviutissinnaasimavaa?

Tusarniaanermut kommunip uannut akissummini oqaatigaa kommuni isumaqartoq A-p ilaatigut kommunip kukkunersiuisuunik oqaloqateqartarnermigut ilaatigullu sulisoqarnermut pisortatut atorfeqarsimanini aqutigalugu sulinerunermut aningaasarsisitsisarneq pillugu malittarissassat ilisimasimassagai.

Tamatumunnga kommunip paasinninnerata oqaaseqaateqarnissannut pissutissaqalersinngilaannnga.

Isumaqarpungali paasinninneq taanna kisiat kommunip tunngaviginiarsinnaasimanngikkaa.

A-p sulinerunermut aningaasarsianik tunniussisoqartussaasimannginneramik ilisimasaqarsimaneramik ilisimasaqartariaqarsimaneranilluunniit naliliinermi kukkunersiuisut allakkani 27. juli 1998-imeersuni nalunaarummi nr. 59-imi oqaatigisimasaattut piffissat suliffiusartut pillugit isumaqatigiisummi § 22 pillugu kommunip KANUKOKA-mit ilitsersorneqarsimanera kommunip aamma isummerfigisussaasimagaluarpa.

Aammattaaq kommunaldirektørip allakkiami 4. februar 1998-imeersumi qulaani issuarneqartuni suliartoqquneqaratarsinnaanermut pisussaaffiup saniatigut sulinerunermut A-p aningaasarsiaanik qaammatikkaartumik tunniunneqartarnissaannik akuersisimanera, sulinerunermullu aningaasarsiat tunniunneqartut kommunaldirektørimit borgmesterimilluunniit akuereqarsimanerisa innersuunneqarsimanerisalunniit sunniutai kommunip naliliiffigisimasariaqaraluarpai.

Pissutsit taakku kommunip misissuinerminut ilanngussimanngimmagit tamanna isorisarialittut aamma isigaara.

Aningaasat tunniunneqarsimasussaanngippata kina annaasaqaataasinnaasunik nammakkerneqarnissaminut qaninnerpaava?

Qulaani kommunip utertitsilluni akileeqqusinermut inatsisitigut tunngavigisaa pillugu oqaaseqaatima ilaani allaaserisattut aningaasat tunniunneqartut A-mit utertillugit akilersinniarneqassanerannik kommunip naliliinermi A-p kommunip paasinninnera malillugu piaaraluneersimaneramik piaaraluneersimannginneranilluunniit naliliinnermut attuumassuteqarपालaanngitsumik kommuni naliliisariaqarpoq.

A imaluunniit kommuni A-p sulineruneranut aningaasarsiaanik inatsisigtigut tunngavissaqanngitsumik tunniunneqartunik annaasaqarnermi nammakkerneqarnissaminut qaninnerpaanersoq isummerfigissallugu kommuni aamma pisussaavoq.

Apequt taanna kommunip isummerfigisimanngikkaa takuneqarsinnaavoq, tamannalu isorisariaqartuuvoq.

Pissutsit allat suliamut attuumassuteqartut.

Kommunip oqaatigaa utertitsilluni akiliinissamik piumasagaat A-p soraarninngoreernerata kingorna aatsaat saqqummiunneqartoq, tassami pi-sortaatitaasut akissarsiaanik kukkunersiuiinnermi aallartinneqarsimasumi paasisat kommunip utaqqimaaqqaarsimammagit.

Kukkunersiuisut misissuinerini paasisat utaqqimaarnissaat pissutissaqartoq kommuni isumaqarmat isumaqatigaara.

Tamatumunngali peqatigitillugu isumaqarpunga tjenestemandip pineqartup suliap aalajangiivigineqannginnerani soraarninngornera utertitsilluni akiliisoqarnissaanik piumasagaatip pissutsinut soraarninngornerup siornani pisimasunut tunngasup naammassitinniarneqarnissaanik apeqqummut sunnuteqartinneqartariaqartoq – naak annertunngikkaluamik.

Taamaattumik pissutsit taamaannerat kommunip aalajangiinnermi tunngaviusunut aamma ilaatittariaqarpa.

Kommunip allatigut suliamik suliarinninnera.

Suliami illua tungiusup isumaanik tusarniaaneq:

Suliassat suliarineqartarnerat pillugu inatsimmi § 19 malillugu suliami illua tungiusup isumaanik tusarniaanissaq pinngitsoornani pisussaaffiuvoq, imatullu oqaasertaqarluni:

”§ 19. Suliami (illuatungiulluni) peqataasoq paasisutissanik aalajangersimasunik suliassami pisimasuinnut tunngasunik oqartussaasut pigisaqarnerannik ilisimasaqarsorinangippat aalajangiisoqassanngilaq peqataasoq taanna paasisutissanik tamakkuninnga oqartussaasunit ilisimatinneqartinnagu oqaaseqaateqarnissaanullu periarfissinneqartinnagu. Aalajangigarli taanna aatsaat atortuussaaq paasisutissat peqataasumut tassunga iluaqutaasussaanngippata suliallu aalajangiiffiginissaanut annertuumik pingaaruteqarpata. Oqartussaasut oqaaseqaateqarnissamat taaneqartumut piffissamik killiliisinnaapput.

Imm. 2. Imm. 1-imi aalajangersagaq atortuussanngilaq

1) paasisutissat pissuserisaat suliassallu suussusia naapertorlugit tigungmiariikat tunngavigalugit suliami aalajangiinissaq nangaanartutut isumaqarfiginanngip-pat,

2) kinguartitsineq kinguneqassappat suliassap aalajangiiffiginissaanut inatsisigtigut killiliussap qaangerneqarneranik,

3) peqataasup taassuma suliassap aalajangiiffigineqarnissaata kinguartinneqarnissaanik soqutiginninnera pisortat inuinnaalluunniit soqutigisaat taamatut kinguartitsinikkut ajoquserneqartussat pissutiginerullugit minnerutittariaqartutut isumaqarfiginarpat,

4) kapitali 4-mi maleruagassiat malillugit peqataassasoq taanna paasissutissanik suliassamut tunngasunik tamakkuninnga ilisimatinneqarnissamut pisussaangippat,

5) paasissutissanik peqataasumut saqqummiussineq annertuumik ajornartorsiu-tissaqartaqassaaq, matumani aalajangernerimi inuppassuit peqataasutut inissisimasut ilaatinneqartussaanerit pissutigalugu, imaluunniit

6) inatsisitigut immikkut ittumik aalajangersagaqarpat peqataasup aalajangiineq pitinnagu aalajangiinissamut eqqarsaatigineqartumut tunngaviusunik ilisimatinneqarnissaanut pisussaalersitsisunik.

Imm. 3. Naalakkersuisut maleruagassaliorsinnaapput suliassaqrarfiit erseqqinnerusumik taaneqartut, imm. 2, nr. 2-mi imaluunniit 5-imi aalajangersakkat nalinginnaasumik atortuuffigisaat, imm. 1-imi aalajangersakkani pineqartunut ilaatinneqartussaanninnerannik.”

Suliassat suliarineqartarnerat pillugu inatsimmi suliame illua tungiusup isumaanik tusarniaasarneq pillugu malittarisassat misissuisussaataitanermik tunngavik qulaani allaaserineqartoq tunngavigalugu siunertaraat suli-aq pillugu aalajangiisoqannginnerani ingerlatsiviup suliame illua tungiusup aalajangiinermut tunngaviusorpiat pillugit ilisimatinneqarnissaata oqaaseqaateqartinneqarnissaanullu periarfissaqartinneqarnissaata qulakkeerneqarnissaat. Aalajangiisoqannginnerani suliame illua tungiusup oqartussaasut aalajangiinermi tunngavigisaannik misissuinissaminut periarfissaqartinneqarnera immi pisortat ingerlatsiviata tatigineqarneranut pingaaruteqartutut isigineqartariaqarpoq. Aamma suliame allagaatini suut paatsuiinertut, eqqunngitsutut amigartutullu isiginerini tikkuassallugit suliame illua tungiusoq pisinnaatitaappat ingerlatsiviup aalajangiine-risa tunngavik pitsaanerpaaq tunngavigalugu pisarnissaannik aamma qulakkeereqataasinnaavoq.

Suliame illua tungiusup isumaanik tusarniaanissamik pisussaaffeqarnermik, innuttaasunut isumannaallisaataasumik sumiginnaaneq aalajangiinerup atuussinnaassuseqannginneranik aallaavittut nassataqartussaa-voq.

Kommuni aalajangiinnginnermini A suliame illua tungiusutut isumaanik tusarniaavigissallugu pisussaaffeqarsimava?

Kommunip A-mut allagaasa 7. april 2001-imeersut oqaasertalersugaa-nerat malillugu aningaasat tunniunneqarsimasut utertillugit akilerneqar-nissaannik piumasaqaateqarnissamik aalajangiineq kommunip aningaasa-qarnermut ataatsimiititaliaani pereersimavoq.

Kommunip tusarniaanermut akissutaani 23. januar 2002-mi tigusanni allakkat 7. april 2001-imeersut suliame illua tungiusup isumaanik tusarni-aanerunngitsut uppernarsarsimavaa, tassami kommuni imatut oqaaseqaa-teqarsimammat:

”A sukkulluunniit tamakkuninnga ilisimasaqarsimannngitsutut imminut isigisin-naasimannngilaq.

Taamaattumik aningaasat utertillugit akilernissaat A-p naatsorsuutigisinnaasimavaa. Kommuni isumaqarpoq tusarniaanissamat pisussaaffeqanngitsoq, assersuutigalugu qaangiuttoornerit amerlavallaat nalunaarutiginerisigut nalunngikkaanni aningaasat utertillugit akilerneqartussaasut.

Taamatuttaaq akissarsiatut tunniunneqartuni kukkunerpaaluit atorfeqartitaasut tusarniaavigeqqaarnagit aaqqiivigineqartarneri nalinginnaasuupput. Matumani allaassutaasoq tassaavoq A-p soraarsimanera.” (Atorfeqarfimmi nutsigaavoq.)

Siullermik oqaatigaara “akissarsiatut tunniunneqartuni kukkunerpaaluit” aaqqiivigineqarnerat atorfeqartitaasup utertitsilluni akileeqquneqarneranik nassataqartut ingerlatsinermik inatsiseqartitsinermi malittarisassat tunngavigalugit aalajangiinnerummata, aamma tak. kommunip utertitsilluni akileeqqusilluni piumasaqaataanut inatsisitigut tunngaviusoq pillugu oqaaseqaatikka, taamaattumillu pisuni taakkunani suliami illua tungiusup isumaanik tusarniaasarneq pillugu malittarisassat malinneqartussaapput.

Tulliullugu oqaatigaara kommunip piumasaqaateqarnini kommunip kukkunerisuiuisua oqaaseqaataannik tunngaveqartissimagaa, oqaaseqaallu taanna utertitsilluni akiliisitsinissamik piumasaqaatip saqqummiunneqannginnerani A-mut immikkut ilisimatitsissutigineqarsimanngitsoq.

A-p kommunip paasinninnera malillugu sulianut allanut ataneqartilugu, aningaasaqarnermut sulisoqarnermullu pisortatut atorfeqarnerminut atatillugu pissutsinik kommunip piumasaqaateqarnerminut tunngavigisaa-nik (sulinerunermut inatsisitigut tunngavigisaq) ilisimasaqarsimanerata A-p suliami illua tungiusutut isumaanik tusarniaanissaanut kommuni pisussaaffianngilaa, paasissutissat tamakku suliami imminut sammitinneqartumi ilaatinneqarnissaat naatsorsuutigissallugu A pissutissaqarsimanngitsoq ilimagisariaqarpat.

Taamaattumik utertitsilluni akiliisitsinissap piumasaqaatigineqarnissaanik kommunip aalajangiinnginnerani A aalajangiinnermi tunngaviusoq pillugu kommunip suliami illua tungiusutut tusarniaavigisimanngimmagu tamanna annertuumik isorisarialimillu kukkunerusoq isumaqarpunga.

Tunngavilersuineq:

Suliassat sularineqartarnerat pillugu inatsit tunngavilersuisussaatitaneq pillugu malittarisassanik imaattunik imaqarpoq:

”§ 22. Aalajangiineq allakkatigut nalunaarutigineqaruni aalajangiinnermut tunngaviusumik ilaqartinneqassaaq, suliami peqataasumut tassunga taperstisuulluinanngikkuni.

...

§ 24. Aalajangiinnermut tunngaviusumik nalunaarummi innersuussutigineqassaput inatsisini maleruaqqusat aalajangiinnermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqasapputtaaq pissutaasut pingaarnerusut isummat tamakku atornerannut aalajangiisuunerusut.

Imm. 2. Tunngaviusumik nalunaarummi pisariaqarpat naatsumik erseqqissarneqassapputtaaq paasissutissat suliami pissusiviusunut tunngasut aalajangiinnermi anertuumik pingaartinneqartut.

Imm. 3. Tunngaviusumik nalunaarutip imarisai killiliiffigineqarsinnaapput suliami peqataasup tamakkununga ilisimasaqarnini nammineq iluaqutigiumallugu atuiumasinnaanermik soqutiginninnera inuk taanna nammineq eqqarsaatigalugu imaluunniit inuinnaat allat pisortalluunniit soqutigisaat pissutiginerullugit minnerutittariaqartutut isumaqarfiginarpap, tak. § 15.”

Tunngavilersuisussaataainnermi tunngavilersuutip sukumiisuunissaa eqqortumillu takutitsisuunissaa aamma ilaapput.

Taamaattumik kommunip tunngavilersuummini paasissutissat assortuussutigineqartut erseqqarluttulluunniit ilanngutinngitsoorsinnaanngilai.

Siusinnerusukkut oqaatigineqareersutut pineqartoq tassaavoq kukkunerisuiusut nalunaarummi nr. ...-imi tjenestemandinut piffissat suliffiusartut pillugit isumaqatigiissummi immikkut akuersissuteqartarnermi malittariassanik immikkut ittunik maluginneqqusisimanerat.

Taamaalilluni atorfinnik akissaatitigit inissitsiterineq pillugu isumaqatigiissummi immikkut akuersissuteqarnissamut periarfissap nalornissutigineqarneranik kukkunerisuiusut erseqqissaasimanerat apeqqummullu tassunga kommunip qanoq isummersimanera tunngavilersuutimini erseqqissasallugu kommunip pisussaaffeqarsimanera tunngavilersuisussaataane-rup nassataraa.

Pissutsit taamaannerat kommunip nassuiarsimannimmagu isorisariaqartutut isigaara, tassami tunngavilersuut aalajangiinnermi 7. april 2001-imeersumi ilusilerneqarsimanermisut iluseqarluni paatsoortitsisinnaamat.

Aammattaq kommunip A-mut allakkamini 7. april 2001-imeersuni oqaatigisimannigilaa aningaasat suut A-p utertillugit akilissagai kommunip piumasarisimaneraa.

Kommunip akissummini 23. januar 2002-mi tigusanni tamanna tunngavilersorlugu oqarsimavoq aningaasat taakku kukkunerisuiusut tikeraarneq pillugu nalunaarusiaannit nr. ...-mit tigulaakkanit kommunip allakkaminut ilanngullugit A-mut nassiussimasaanit ersertut, suliamilu sulinerunerminut tunngasut pineqarnerat A-p nalunnigikkaa.

Tamanna pillugu oqaatigaara tikeraarneq pillugu nalunaarusiamit tigulaakkani tunniunneqartut assigiinngitsut oqaatigineqarsimasut, taakkulu kommunip nammineq allagaanut sanilliukkaanni aningaasat sorliit utertil-lugit akilerneqarnissaat kommunip piumasarineraa A-mut erseqqissuusinnaasimanaviannngitsoq.

Taamaattumik kommunip allagaasa tassuunakkut sukumiisumik tunngavilersuisoqarnissaanik piumasaqaat aamma eqqortinngilaat.

Kommunip suliamik suliarinninneranik eqikkaallunga naliliinera.

Soorlu allaaserisannit ersertoq utertitsilluni akiliisitsinissamik piumasaqarnissamik aalajangiinerup atuussinnaassuseqarnissaanut inatsiseqartitsinikkut qularnaveeqqutit pingaaruteqartut kommunip sumiginnarsimavai.

Taamaalilluni pineqartoq tassaavoq kommunip makkuninnga naammattumik misissuisimanginnera:

-A sulinerunermi aningaasarsianik eqqunngitsumik aningaasarsiaqarsimanersog

-A sulinerunermut aningaasarsianik eqqortoq malillugu tunineqarsoraluni taakkuninnga tigusisarsimanersog, aamma

-pissutsinik allanik atuuttoqarsimanersog utertitsilluni akiliisoqarnissamik piumasaqaatip atorunnaarneranut annikillineqarnissaanulluunniit tunngaviusinnaasunik.

Aammattaaq aningaasat utertillugit akileqqullugit piumasaqaateqarnissamik aalajangiinninnermi kommunip A suliami illua tungiusutut isumaanik tusaniaaviginngitsoorsimavaa.

Kiisalu allakkani 7. april 2001-imeersuni tunngavilersuineq naammangilaq paatsoortitsisinnaallunilu.

Suliamik suliarinninnermi kukkussutigineqarsimasut pissutigalugit inasuteqaatigaara suliaq eqqartuussivinnut suliaassanngortinneqassanersog i-summinnginnermini kommunip suliaq suliareqqissagaa.

Ingerlatsinermi ileqqorissaarneq:

Ingerlatsinermi ileqqorissaarneq tassaavoq ingerlatsiviup innuttaasunut pissusilersortarnera pillugu tunngaviit arlallit pissuserissaarnissamut tunnganerusut ataatsimoortumik taaguuttaat, tunngavinnillu taakkuninnga sumiginnaaneq ingerlatsiviup iliuusaasa atuussinassuseqannginneranik eqqartuussiviit pineqaatissinissaat naatsorsuutigineqarsinnaanani.

Ingerlatsinermi ileqqorissaarnissamik annertuumik kusanaatsumillu sumiginnaaneq oqartussaasumut oqartussaasumiluunniit atorfeqartitaasunut akisussaatisinermik nassataqarsinnaavoq, sumiginnaaneq assersuutigalugu suliamik unioqqutitsinertut imaluunniit kommunit aqunneqarnerat pillugu inatsimmik imaluunniit pinerluttulerineq pillugu inatsimmik unioqqutitsinertut nalilerneqarsinnaappat, taamatuttaarlu taarsiissuseqarnissamut akisussaatinneqarneq pineqalersinnaalluni, sumiginnaaneq innuttaasup taarsiivigineqarnissamik piumasaqaatigisinnaasaanik annaasaqarneranik kinguneqarsimappat.

Ingerlatsinermi ileqqorissaarnissamik tunngaviit taakku kommunip malitassai tunngavigalugit kommuni piumasaqarfigisimavara kommunip utertitsilluni akiliisitsinissamik piumasaqaat pillugu A-mut allaffigeqatiginnitarnarata ilai pillugit nassuiaateqaqqullugu.

Kommunip allagaasa ilaat ataasiakkaat pillugit oqaatigaara:

Kommunip A-mut allagai 22. maj 2001-imeersut.

Allakkat taakku immikkoortumik imaattumik imaqrput:

”Sulinerunermut ingerlaavartumik tunniussisarsimaneq kiisalu immikkut tunni-
unneqartartunik tunniussisarsimaneq eqqarsaatigalugit ilisimatissavakkit kukku-
nersiuisut maani 2001-imi junip qiteqqunnerani tikeraarnerannut atatillugu ataatsi-
miigiaqqullutit aggeqqunekarumaaravit.” (Atorfeqarfimmi nutsigaavoq.)

Kommunip akissutaa 23. januar 2002-mi tigusara imatut paasivara ani-
ngaasat 54.846 kr.-t saniatigut aningaasanik allanik utertitsilluni aki-
leeqqusinissamut kommuni imminut pisinnaatittoq.

Ingerlatsiviup innuttaasunut saaffiginnissutimini eqqoqqissaartumik
oqaaseqartarnissaa ingerlatsinermi ileqqorissaarnerup nassataraa, taa-
maalillutik innuttasut saaffiginnissummi siunertarineqartoq pillugu nalor-
nisoortussaajunnaarlugit.

Paasissutissaq erseqqarluttoq issuarneqartutut ittoq 54.846 kr.-t naat-
sorsorneqarsimasut saniatigut kommuni allanik piumasaqaateqarnersoq
A-mut nalornilersitsisinnaavoq.

54.846 kr.-t naatsorsorneqarnerat naatsorsuigallarnerusoq nalunaaru-
tigineqassasoq siunertaasimappat kommunip tamanna erseqqissumik o-
qaatigisimasariaqaraluarpa.

Tamatuma saniatigut A ataatsimiigiaqqunekarumaartoq kommunip al-
lakkani nalunaarutigaa.

Tamanna pillugu oqaatigaara tamanna naleqquttutut nalilernerqarpat A
ataatsimeeqatigiumallugu kommunip soorunami siunnersuutigisinnaagaa.

Kommunilli A kommunip allaffianut ataatsimiigiaqqullugu peqqusin-
naanngilaa, taamatuttaarlu utertitsilluni akiliisoqarnissaanik piumasa-
qaatip kommunip suliniuteqarneratigut saqqummiunneqarsimanerata nas-
sataralugu A kommunip suliami paasissutissartalersuinerani peqataaqqul-
lugu peqqunekarinnaannginnera.

Taamaattumik ataatsimiigiaqqusinissamik paasissutissaq iluserisamisut
iluseqarluni pitsaanngitsuuvoq.

Kommunip A-mut allagai 5. september 2001-imeersut:

Allakkat taakku A nulialu pillugit naliliinernik arlalinnik nammineq i-
nuttut naliliinerpalaartunik imaqarput. Tamatuma saniatigut allakkat
taakku assuarlerneramik, pasillerneramik peqqusinermillu imaqartutut isu-
maqalersitsisinnaapput.

Oqartussaasut innuttaasunut saaffiginnissutaat suliamut attuumassute-
qartunik, ataqinnittunik mianerinnittunillu oqaasertalersorneqartussaap-
put.

Allakkat oqaasertaasa A-mut assut ajuallannartunik oqaasertalersugaa-
nerat pisortanilu oqartussaasup innuttaasumut allaffiginnittarnermini ili-
uuserisinnaasaanik erseqqissumik saneqqutsisuunerat pitsaanngilluinnar-
tutut isigisariaqarpara.

Tamatuma saniatigut A-p illua ’tungiusutut sinniisoqarsinnaatitaanera-
nik kommunip killiliiniarneratut A-mut isumaqalersitsisinnaasumik kom-

munip oqarsimamera pitsaanngitsorujussuartut isigisariaqarpara, tak. suliasat suliarineqartarnerat pillugu inatsimmi § 8.

Kommunip allagai 27. september 2001-imeersut:

Allakkat taakku arsuarlerpaluttumik, oqaaqqissaariniartumik pasillerpaluttumillu nipeqartinneqarput.

Isumaqarpunga, soorlu allakkat 5. september 2001-imeersut pillugit aamma taamatut oqartunga, tamanna pitsaanngilluinnartuusooq, pisortanilu oqartussaasut innuttaasunut allaffiginneqatiginnittarneranni iliuusaa-sinnaasut erseqqissumik avataanniillutik.

Kommunip akissutaani, 23. januar 2002-mi tigusanni, immikkoortumut uunga:

”Pissutsit suliamut annertuumik pingaaruteqarsimmata, suliallu isertuussasaa-nera A-p nalunngimmagu kommuni isumaqarluinnarpoq A tassaasooq nipangius-sisussaataitaanermik atornerluisooq. Taamaalilluni allakkat taakku siusinnerusukktu direktoriusimasumut takutillugillu oqaloqatiginnissutigisimavai, naak suliaq nipa-ngiussisussaataitaanerminut ilaasooq nalunngikkaluarlugu. Tamanna A-p tungaanit pimoorullugu iliuusaasooq kommunip qularutiginnilaa.” (Atorfeqarfimmi nutsigaa-voq.)

tunngatillugu erseqqissumik oqaatigaara:

Innuttaasunik allaffigeqatiginnittarnermi paasissutissat nipangiusima-neqartussat pissutissaqanngitsumik saqqummiunneqartannginnissaat kommunip akisussaaffigaa.

Pissutsit kommunip nammineq innuttaasumut pineqartumut oqaatigisai nipangiusimaqqullugit kommunip innuttaasooq peqqusinnaanngilaa.

Tamaattumik allakkat allanut ingerlateqqissimmaggit kommuni A-mut avoqqaarlissalluni tunngavissaqanngilaa.

Paatsoortoqaqqunagu oqaatigaara kommunaldirektør D nipangiussisussaataitaanerminik A-mut allakkatigut 27. september 2001-imeersutigut unioqutitisisimasinnaanera pillugu isummerneq misissuinerup matuma avataaniittoq.

Tamatuma saniatigut allakkani immikkoortoq una immikkut maluginiar-simavara:

”Naggasiullugu malugeqqunngitsuussanngilara suliasaqarfinni pingaaruteqar-tuni allani Namminersornerullutik Oqartussat isumaqatigiissutigut inatsisitigullu tunngavigisaannik aamma sumiginnaasarsimanerit uppernarsarsinnaagiga.

Tamanna kommunip aningaasaqarnikkut annertuumik annaasaqarneranik ki-nguneqarsimavoq.” (Atorfeqarfimmi nutsigaavoq.)

Oqaaseqaat taanna qunusaarinertut pasillernertullu paasineqarsinnaa-soq oqaaseqaammut tunngaviusooq pillugu kommunip paasissutissiissutai malillugit akissarsianik amerlanaarlugit tunniunneqarsimasunik utertillu-git akileqqusaminik kommunip naatsorsuineranut attuumassuteqanngilaa.

Isumaqarpunga kommunip oqaaseqaataa taanna A-p akissarsiaanik amb erlanaarlugit tunniunneqarsimasunik utertillugit akileqquneqartunik naatsorsuineq pillugu apequt eqqarsaatigalugu suliamut attuumassuteqanngilluinnartutut pissutissaqanngivissutullu taasariaqartoq immi ingerlatsinermi ileqqorissaarnermik annertuumik pitsaanngilluinnartumillu sumiginnaanerusoq.

Kommunip saaffiginnissutinnut akissuteqarnera:

Suliami uannut akissummini kommuni A pillugu nikassaarpalaartumik, unnerhuusserpalaartumik pasillerpalaartumillu oqaaseqaateqartarsimavoq.

Paasissutissat qinnutigisakka oqartussaasut uannut akissutiminni suliamut attuumassuteqarluartumik innuttaasullu unnerluutiginaqit nalunaarutigisassagaat naatsorsuutigigiga oqaatigissallugu pissutissaqarpunga, innuttaasunimmi unnerluutiginninnerit isummerfiginissaat misissuinermik ingerlatsinerma avataaniimmat.

Ingerlatsinermi ileqqorissaarnermik kommunip sumiginnaanera pillugu eqikkaaneq:

Kommunip A-mut saaffiginninnermini allaaserineqartutut paasinninera malillugu ingerlatsinermi ileqqorissaarnermik annertuumik sumiginnarsimavaa.

Taamaattumik kommuni qinnuigaara tamanna qanoq iliuuseqarnissamut pissutissaqalersitsinersoq nalunaarfigeqqullunga.

Naggasiutaasumik oqaaseqaatikka:

Suliamik paasinnerinnera allakkatigut allatigut allakkat uku assilinerinik ilaqartinneqartutigit A-mut ilisimatitsissutigaa.

Matumunnga peqatigitillugu kommunip suliaataani A-mut tunngasumi allagaatit atukkiunneqarnerat qujassutigalugu utertillugit nassiuppakka.”

K Kommuni allakkani 8. november 2002-meersuni ima akissuteqarpoq:

”Ombudsmandip allagaata 14. oktober 2002-meersup tiginera K Kommunip matumuuna nalunaarutigissavaa.

Kommunip kommunaldirektørianik sakkortuumik isornartorsiuisoqalermat kommunip naatsorsuutigaa piffissaq suliap suliarineqarnut atorneqartoq sivikinnerpaamik sapaatip-akunnerinik sisamanik sivilissuseqassasoq, tassami kommunip eqqartuussissuserisua akuliutinneqartussaammat suliamik naliliinissaq siunertaralugu, tamatumalu kingorna suliaq kommunalbestyrelsimut saqqummiunneqassammat.

Kommunalbestyrelsip suliaq suliarereerpagu, ingerlaqqittoqarnissaa pillugu Ombudsmandi sukumiinerusunik paasissutissinneqarumaarpoq.”

Ukiup nalunaarusiuunneqartup naanerani kommunimit tusagaqarsimanngilanga.